


LIPUZO NI LIKALABO

MAHEBERU KALULO YA III

 . . . ka kuba mo busihu bo hape mwa tabernakele, ku to kulubela mwa sebelezo yende ye ni milapelo ye ezahala kupotoloha Linzwi la Mulimu le li filwe ku luna mahala kusina tifo. Mi lu . . . na lu lata kuba bo muca sanda kwa mbuyoti yee.

⁵⁵⁴ Mi Ni sepa fela kuli Mulimu uka lu fuyola busihu boo sina Mwa ezelize kakusasana kacenu, ni liñusa la kakusasana. Mi ne Ni sweli kuikambota fela ku muyaha tuko wa ka, Musala bo Wood, fa nako nyana, mi nelu sweli kuambola ka zona, mi Bo Wood ni babañwi. Mi Ni lumela kuli yani neli kutazo yende ya Muzwale Neville mwahala amande kaufela akile akutaza fateni, yani kwateni neli yende ku na ku a kile akutaza fateni kaufela. Kaniti ne ni kuitumela kwa kutazo yende yane. Mi ini file kutiya, mi ini katulusize ku ni shokotola. Kacwalo Na—Na lata kubulelenga niti, mwa ziba. Kacwalo, ka libaka ze tiisa, mwa ziba, ku ba ni pilu tata, ni mwa ku. . . Davida naliteni kwani, ni ka mwa na. . . Mwa nako ya muliko tuna wani, kufita kubulela kuli “Kihande, Ni ka yo eza sa kuli, Mulena, U ni tuse fela,” a libelela, ayo buza Mulena sa kueza. A wiseza fafasi licwe la butokwa, mwa ziba, mi ali, “Cwale ha lu yemeñi mi lukupe Mulimu, ‘Ki sikamañi seluna ni kueza mwa ziyezi ye cwana?’” Oh, yani ne li yende hakalo kalo. Yani neina ni ma vitamini kufita lintolo za milyani kaufela ze liteni mwa naha. Eeni, sha, yani luli ne i mi ezize hande luli.

⁵⁵⁵ Cwale, busihu boo, halu—halu bati kuinanga nako yetelele kufitela fahala busihu, haiba lwa kona, fa lipuzo zee. Kacwalo luka—luka kena kapili ku zona, kapili fela. Ki kufeleleza kwa lipuzo zee, mi nako kaufela ye Ni kala ku lifeza. . . Cwale, Kezeli Hattie, Ne ni sa talusi seo, wa ziba cwalo. Ne—Ne bulela fela cwalo, mwabona; mi, ku lukile. Kono Ni na ni zeñwi ze tiile luli fa zezwa ku mukutazi, mi ki zetaata kuli ku li alaba. Mwa ziba, bakutazi bani, ba li lyanganisanga mwa Bibebe ni kulika kufumana kalabo ya bona fela ba si ka ku buza kale, mwa bona. Mi he. . . mi ye isweli kutepiñiwa, ni ya kwa Georgia ku mulikana ka wa mukutazi yana ni lipuzo zeipitezi ze eiti za Bibebe fa zeli lipuzo ze shengile luli, luli.

⁵⁵⁶ Mi cwale, biki yetaha ye, musike mwa libala ku lu lapelela kwateni.

⁵⁵⁷ Mi musala ka sa ikutwa hande luli; u zuhile cwale, mi utusize ku za kuapeha, kacenu. Balikani ba luna babande baba zwa kwa Canada, Muzwale, Kezeli Sothmann, ba teni mo batilo lu potela,

mi luli lwa itumela ka poto ya bona. Mi musala ka, ka kuziba kuli ne ba taha, kiñi, na ka zuha ili kuli abe ni ze mu katulula ka kuitabisa ni ku kopana ni sicaba sa Bakreste sesinde. Lu tabile fa kuba ni Muzwale Freddie hamoho ni luna busihu boo, mi aina ni. . . Nali kwanu kakusasana cwana, kono Na lumela na inzi ni. . . batili, yeo ki niti, uinzi ni Meda, kuli abe ni yena halunze lu ya lu shetumuka; kakuli Na ziba ikaba busihu, mi mulalelo ni kutapa kwa mahutu. Kacwalo lu tabile fa kuba ni bona hamoho ni baenyi babali ni luna.

558 Cwale, lu si ka kalisa kulika musebezi wa ku alaba lipuzo. . . Mi muhupule fela kuli Na—Na kona kufosa, mwa bona, Hani—Hani buleli kuli ni ka kumbelela kaufela ze Ni eza. Ni—Ni lika kuba ya lukile, kono mwendi Ni—Ni ka fosa. Mi—mi haiba Ni fosa, kona kuli mu ni swalele fela; mi Ni lapela kuli Mulimu uka ni swalele, niyena, kakuli ha Ni bati kuba ya fosa ka boomu. Ha ni liki ku li alaba ka mukwa fela wa- . . . kamba ka mukwa fela o Ni. . . wa ketululo, Ni li alaba kuya ka bunde luli bwa zibo ya ka, mwabona. Mi haiba Nina ni ku cinca mihupulo yaka fa puzo ya Bible, Ni sepa kuli cwalo kona mwa kuezeza fela. Lu lukela ku cinca, nako kaufela, Linzwi la Mulimu ha li bulela; kakuli ki Linzwi la Mulimu.

559 Mi cwale, Ni sepa lu ka lapelela bakuli hape busihu boo, sina kamita. Mi fokuñwi mu ka komoka fela; munga sikwata nyana sina cwana, se si likani, oh, tabernakele yenyinyani kwanu, mi fokuñwi ha muboni linepo zene mu ka tabela kubona. Kono taba yateni, se mu eza, musweli fela kuhoha zeo kuzwa kwa batu babakuma mwendi fa minda yemibeli. Mi iliñwi ya mikopano yemituna, mwendi musweli kuhoha ku zeo kuba ba eza teni sauzande, mwa bona, mi—mi mwendi mane neba kufitelela. Kona kuli kona cwalo, mu ka bona inge kuli ki babañata hahulu. Kono busihu boo, Ne ni sweli fela ku alaba. . . Kakuli luwaile lwa luna lulilanga fela kusa fita fela mizuzu yelikani mwa musihali kaufela ni linako zeñwi busihu.

560 Kana yo ki Musala bo Reisert yainzi fa, ye Ni talimezi? Bible ya hao, kezeli, Keseli Wood una ni yona kwa mulaho kwani. Ni ku tiselize yona kakusasana kacenu, mi Ne—Ne ni palezwi ku kufa yona. Mi Ne—Ne ni si ka kubona kakusasana cwana, mi Musala bo Wood una ni yona.

561 Kacwalo kwa kwalaba luwaile ni kufumana lika—lika zetuna ze ezizwe. Kalibe na ni lizeza, mi ali, “Muzwale Branham, Ne nili kwa mukopano wa *kuli-kuli* mi Ne ni kula butuku bwa *kuli-kuli* fa nako yetelele *hahulu*. Mi, mwa ziba, so bulela fela kwa mulaho kwani, mi seli. . .” Ali, “Ne ni batile kuwelela ha Ni kutisa bupilo bwa kale.” Mi ali, “Mi Ha ni si ka kula hape kuzwelela ona fani.”

562 Mi kalibe ataha mi ali. . . Ni sepa uteni mwahali mo busihu cwana, kamba nana ni ku koboca kuzwa kwa Bedford, Na sepa,

kamba kwa sibaka sesiñwi sa kwa ñambamo kwani. Mwana bona wa mucaha naliteni mo, Na lumela, yana kula butuku bwa pilu, mwa buino bo bu maswe cwalo. Mi naliteni mwa mukopano, mi—mi Mulena a zamaya zamaya ni kuswala. . . abulelela mushimani butata bwa hae, mane na sa kōni ku nanula lizoho la hae, ni butata bwa pilu, mi lizoho la hae inge li omelezi kaufela, mi pilu ya hae inge ili ona cwalo. Mi kapili akena mwa mota ni kuya kwa hae, ha si ka katazwa ki zona kuzwelela ona fani. Kana kalibe yani ufitile kwanu kuzwa kwa Bedford? Kana uteni mo, kalibe? Ki yani fani, kwa mulaho. Eeni, na ni lizelize fela, fa nako nyana yefitile.

⁵⁶³ Mi nekuna ni kalibe yana ni lizelize kuzwa kwa Evansville. Mi na palezwi kufita kwanu kakuli ukwa hule hahulu, na sa zibi kuli lu kaba ni sebelezo ya foliso busihu boo. Mi ki hali, “Muzwale Branham, Ne ni liteni mwa mukopano wa kwa Evansville,” mi ali, “no talimile mwa sicaba mi wa li . . . wa ni bulelela yo ne Nili yena, ni sene Ni ezize, ni sene Ni katazwa ka sona, ni zeñwi ze cwalo.” Mi ki hali, “Ne ni kula butata bwa kufipelwa mwa sifuba, mi ne ni tushanisanga fela mulyani wa Asthmador ni lika kaufela mwa musiyo kuzwa hane Ni sa li musizana yomunyinyani.” Ali, “Fani seli myaha yemibeli kwa mulaho, mi ha Ni si kaba hape ni maikuto ateni kuzwa ona fani.” Mwabona?

⁵⁶⁴ Mi bakeñisa fela babaliteni mo busihu boo, bene ba si yo kakusasana kacenu ku to ikola bupaki; Ne ni li kwa sintolo se si lekisa libyana za teko ya ten-cent, ne ni leka sipupe, maabani. Cwale, sani ne si saka, mwabona. Ne li sa mwanaka wa musizana yomunyinyani, Rebekah, fani. Mi—mi Sarah na ka eza nto yeñwi, yeshutana, kacenu. Babañwi ba balikani ba hae kwa sikolo nebana ni mukiti wa kuitabisa hamoho cwalo, wa kunyakalala kupepwa kamba nto yeñwi, mi na mu lwalezi ka mpo nyana; mi Ne ni lekela mbututu ka pupe, kakatelele cwana. Mi nekuna ni kalibe yana tile ku na kwani, ali, “Wa ni hupula?”

⁵⁶⁵ Mi se Nili, “Ha ni sepi kuli Na ku hupula.”

⁵⁶⁶ Mi na to fumana kuli, neli muhabo wa Muzwale Neville fa, kuli ka sani . . . hane Ni li mwa musipili waka kuya kwa Sweden, neba . . . Na tile kwanu, nana ni mushimani yomunyinyani mwa wiucheya, inge fela Edith yomunyinyani fa, mi mutu wateni nana ni kansa, na melilwe ki sitombo kwa booko. Mi toho ya hae ya kuta mwatasi, mi ki ha yena . . . ni ma dokota ba mu tomela lisunda zetaalu fela za kupila. Ne ba si zwisize ni ku si tatuba, ni kubona kuli ne li . . . sene sili sona, mi ba mu tomela fela lisunda zetalu za kupila. Mi nebana ni ku mu zamaisa fa sipula sa mawili cwalo, ni ku mu beya fa kambeta ha na kena mwa muzuzu ku yo mu tatuba, ni ku mutisa hape. Na yo lapelela mushimani yomunyinyani yani, ni ku kupa Mulena ku mu folisa. Mi ka zazi lelitatama luli, haba mu kutiseza kwateni, ali, “Ha ni lati wiucheya yeo.”

567 Na kena mwa mota ni ku akufela kwateni, mi dokota a tisa kambeta kapili, ali, “Ha ni lati kambeta kao.”

568 Amata cwalo mi a yo ina fafasi, dokota a mu tatuba, ali, “Kihande,” ali, “kufita ibe lisunda ze taalu, Ni ka kufa lilimo ze mwanda ni ze ketalizoho ka ze taalu uka pila.”

569 Mi, maabani, bo mahe ba ni katana. Mi hakulata bateni mwahali mo, kuya ka mo Ni zibela, busihu boo. Mi mushimani yomunyani nainzi fande inge abala mbola ya mahutu, seli mucaha cwale. Kusabisa, kansa ya kwa booko, mi si bonisa fela kuli . . .

570 Oh, likitikiti za lika, mwabona. Mulimu hakoni kupalelwa. Yena—Yena hakoni fela kupalelwa.

571 Muzwale John, kana liito la hao la ikutwa mbwasha, muzwale? Nana ni kozi, mi nasweli ku ngongotela mapo kipeto se i mu tulela mwa liito. Mi kaufela luna ne lu sweli kulapelela Muzwale John O’Bannon, muzwale wa luna yazwa kwa Louisville yana na ni kozi ya mapo yene mu tulezi mwa liito.

572 Cwale, lipuzo ze ki—ki ze zwa kwa butungi bwa pilu ya mutu; ya balile mwa Mañolo ni kufumana lika zee, mi ha zibi . . . mwendi upalezwi ku tuseha ka yena anosi, kacwalo ba li tisize kwanu kuli lulike ku li alaba. Mi mu bone butata bo si mi kenya ku bona; kakuli, se ne mu ka bulela, ne ba ka si swalelela. Konakuli mu lukela kubona hande kuli mwa kondisa lika, mi Ni . . . ka kuikolwisisa fela mo mukona kubela. Kacalo he, nto ya kuikolwisisa kuli lu kondisize, ha lu kupeni fela Moya o Kenile cwale kuli alu tolokele lika zee, halunze luinamisa litoho za luna.

573 Cwale, Ndata luna yakwa Lihalimu, oh, ha ki lithonolo ni leo ka ku bulela kuli “Ndate” ku Mubupi yomutuna wa mahalimu ni lifasi. Mi lu kupa fela kuli U nge lipuzo ze mwa tokomelo ya Hao sakata cwale. Li tisizwe kwanu ka busepahali bo butuna. Mulimu, tuhela kuli zeo lizwelele kwa lipilu za luna, busepahali bo butuna luli, kuli ali alabe ka mo lu zibela; lumeleza cwalo.

574 Mi lumeleza kuli sishemo sa Hao si ine ku mutu ni mutu. Mi hakube se si ka Bulelwa mwahali mo busihu bo se si ka tusa mañi ni mañi yaliteni mwahali mo. Mi ha lu ka zwa, kasumulaho wa kulapelela bakuli ni kuca mulalelo ni zeñwi cwalo, lu bulele sina bani bene ba zwa kwa Emausi kuli, “Hanili lipilu za luna ne li tuka mwahali ku luna ha Na ambola ni luna mwa nzila?” Kakuli lu li kupa ka Libizo la Jesu. Amen.

575 Cwale, sina ha Ni bulezi linako zeñata, kuli ze—ze fa ki—ki mubonelo omunde wa munahano wa ka, mi fokuñwi si tisanga lingambolo. Yapili fa, Ni bona kuli ki nto ye Ni se ni bulezi kale, kuli li kutisizwe kuna hape. Hanina ku . . . ni bata ku ibala cwale, haiba mu lata.

65. Fani Adama ni Eva hane ba pepile bana mwa Edeni, kikuli nekuna ni batu babañwi mwa lifasi ka nako yee? Mwa Genese kauhanyo ya 5 ni timana ya 16, Kaine na pila mwa naha ya Nodi mi a ziba musala hae.

⁵⁷⁶ Cwale, yeo ki—ki puzo yende. Cwale, lu lutiwa mwa Bibebe...Mi ni linako zeñata lika zee...fokuñwi luna ni busuleni...Ne ni beyanga kapepa nyana, ni kubulela kuli, “Mubuze. Mualabe puzo kaufela ya Bibebe.”

⁵⁷⁷ Mi yomuñwi ali, “Kihande, musala Kaine neli mañi?”

⁵⁷⁸ Oh, Ni ka tabela kueza lisheha ka zona kamba nto yeñwi, Ni ka bulela kuli, “Oh, yani neli mwana mukwenyana hae wa musizana,” kamba nto ye cwalo, mwa ziba, kamba—kamba “Na li Musala bo Cain.” Kono seo ha si alabi puzo yateni. Kuna ni . . .

⁵⁷⁹ Kwani Kaine nana ni musali, kakuli Bibebe ibulezi kuli nana ni alimuñwi. Mi haiba Kaine nana ni musali, kuna ni kwa na mu fumani. Mi se si ka zamaelela hande ni se fa:

Kana nekuna ni batu babañwi mwa lifasi Adama ni Eva hane ba pepa bana ba bona mwa simu ya Edeni?

⁵⁸⁰ Cwale, haiba mu lemuha, mwa Bibebe ha ki nto ye zibahala hahulu kubulela ka za kupepwa kwa musali. Kamita ki mwana mushimani ki yena ya ñolwanga mwa Bibebe, isiñi musali. Ha ki hañata ha li Bulelwa za kupepwa kwa mbututu wa musizana, mwa Bibebe. Kamba, kaniti, Ha ni zibi kuya ka mo Ni kona kuhupulela kuzwa hande ka yona nako ye cwale, mwa muhupulo waka, ko ku kile kwa ñolwa kupepwa kwa mbututu; ili, “Ba pepa bashimani ni basizana.”

⁵⁸¹ Cwale, Bibebe fela ifa piho ya bana babalalu bene ba pepilwe ku Adama ni Eva, mi yani neli Kaine, Abele, ni Seta. Cwale, haiba nji ba balalu ki baana, haiba nji nekusina musali kaufela yana pepilwe, mi cwale musali anosi fela (Eva) hana shwile, lusika lwa batu ne lu ka tuhela kubateni kanti, kakuli nekusike kwaba mukwa wa kuli ba—ba be ni . . .lusika lwa batu kuli lu ekezehe, kakuli nekusike kwaba basali bene ka ba siyala. Eva na kaba yena feela. Kono, mwa bona, ha ba ñolangi ku—ku pepwa kwa limbututu za basali, mwa Bibebe, konakuil kabakalelo nebana ni kuba ni basizana ka kuswana fela sina bashumani.

⁵⁸² Cwale, muñoli wa kale, alimuñwi wa bañoli bakale hahulu ye lunani, Josephus, ubulela kuli nebana ni bana baba mashumi a supile, mi Adama ni Eva; yomuñwi wa bañoli ba kale hahulu, “bana baba mashumi a supile, mi nebali bana ba bashimani ni basizana.”

⁵⁸³ Cwale, haiba . . .Mi haiba Kaine naile kwa naha ya Nodi . . . Cwale, haiba mu lemuha, muñoli na talifile luli, fa kuñola fa. Kana mu lemuhe mwa na li taluseza?

Mwa Edeni, hane bana ni bana ba bona mwa Edeni . . .
Cwale, isiñi mwa simu ya Edeni, muñoli na zibile cwalo.

Yana ñozi zeo kaufela fa, naize: Fani Adama ni Eva hane ba pepa bana mwa Edeni. . .

584 Isiñi mwa simu ya Edeni, kakuli nese ba lelekilwe mwa simu ya Edeni. Kono ne ba sa li mwa Edeni, mi simuya Edeni neli kwa upa wa Edeni. Kono Edeni neiswana sina naha kamba—kamba sikamañi. . . kamba tolopo, mi cwale Nodi neli tolopo yeñwi kamba naha yene bapani ku yona.

585 Cwale, mutu fela yana kaba ni yena Kaine, kamba kunyala, neilukela fela kuba kezela hae. Luli neli yena. Kakuli nekuna ni fela musali alimuñwi kone ba zwile kaufela bona, mwabona, mi nana ni kunyala kezela hae tota. Cwale, zeo ne li zamaelela hande ni milao mwa mazazi ani.

586 Mi Isaka na nyezi kezela hae luli ya pepwa ku kezela bo mahe, Rebekah, ne li lukisizwe ki Mulimu. Sarah neli kezela Abrahama, kezela hae ka mali; isi ya pepilwe ki maa bona alimumu, kono neli ndata bona ya swana. Mwabona, kezeli mwa mali yana—yana nyezi Abrahama; yana pepwa ku mahe usili, kono ndate ya swana.

587 Kacwalo, mwa bona, ku nyalana mwa sihabo linako zani, kale ma—ma mali asika fokola kale mwa lusika lwa batu, ne li ka swaneli mane neli tukelo. Haili cwale ha li sika luka. Haiba u nyala kezela hao kacenu, ni kupepa bana, bao bakaba mwendi bi. . . kihande, baka sitana fela ni kuba byanganu kihona. Mane nihaiba ku mweli kamba wa bubeli ya pepilwe ki malumaho usike wa mu nyala kamba kunyala kiyena, mwabona, kakuli mali aka fukuzeha ni ku fokola ka kuzwakana koo.

588 Kono taba fela ka linako zani yana lukela kueza Kaine, neli fela, kunyala kezela hae tenyene. Mi kwani konak one kuinzi bana. . . Kwa na fumani musala hae, aya kwa naha ya Nodi mi a yo mu ziba, mi kuzwa kwani kwataha ba—ba bana. Mwabona, ba. . .

589 Mi haiba mulemuha, kuzwa mwa lusika lwa Kaine ku zwile batu baba itutile. Kuzwa mwa lusika lwa Seta kuzwile batu ba bulapeli, Ni talusa, mu—mu mutai wa kuluka. Ona kwani, bababeli bani, kona baba tisize masika luli o lupila ka ona kacenu.

590 Haiba mu ka lemuha kaceny cwale (ka kufeza fela puzo yee): lusika lwa Kaine lwani lu sa li teni, ni lusika lwa Seta lu sa li teni. Amabeli cwalo atile ka kuswana fela. Bana ba Kaine bateni ona mwa Jeffersonville mo busihu boo, ni bana ba Seta ba mwateni mwa Jeffersonville mo busihu boo. Mali asweli kuya a fokola ni ku kusufala kwa mata, kono lona lusika lwani lu sa ipa mata ni kuzwelapili.

591 Cwale, amutalime. Bana ba Kaine kamita neli. . . mane kusikaba kale muunda omutuna wa sinyeho, neli bona sikwata se si itutile sani: batu ba sayansi, baluti tenyene; mi neli ba bulapeli maswe, kono nebali sikwata se si nyazizwe. Mwabona? Cwale

amutalime, ne ba swana fela sina ndata bona Kaine. Kaine, nali muuna wa za bulapeli hahulu. Na yahile aletare yende, mi ayaha ni keleke yende, mi alika ku ikabisa hande kufita muyaho wana yahile Seta kafani. Kana mwa ziba cwalo? Yena kaniti. . . Na kabisize aletare ka lipalisa, ni ku itoma hande luli, ni kueza ka bukwalu luli; mi aeza keleke yende, yetuna, ye bapukile, kakuli na hupula kuli na ka fumana sishemo ku Mulimu ka kueza cwalo.

⁵⁹² Mi Abele ayo nga ngunyana, mi akala ku hohola kuitisa fa katala, mi a to ilobaza fa licwe ni ku ibulaya.

⁵⁹³ Mi cwale, haiba Mulimu wa sepahala, haiba kaufela za na tokwa neli milapelo, Kaine na lapela Mulimu ka kusepahala ko kutezi mane inge Abele mwa na ezeza. Bubeli bwa bona ne ba sepahala. Bubeli bwa bona nebalika kufumana sishemo ku Mulimu. Nekusina ni alimumu wa bona yana sa zibi za bulapeli. Bubeli bwa bona hamoho, ka kusepahala, neli balumeli ku Jehova. Cwale, kwani, sani si lufa sika sa kunahana fateni.

⁵⁹⁴ Babañwi mwahali bo busihu boo ha Ni si ka ba bona fateni, sicaba sani; Nali kuba ni mi bone fateni haisali. Kono mu lukela kulemuha taba ye, mi mubuluke taba ye mwa mihupulo ya mina. Mwabona? Hakuna taba kamba u wa bulapeli cwani, seo hasina sa kueza ni sona. Wakona kupila mwa keleke, wakona kuba yapila ka kusepahala hahulu, mi u sa latehile ni cwalo! Mwabona?

⁵⁹⁵ Mi u li, “Kihande,” u li, “balisana ba luna ki baituti baba pahami, ba fitile kwa likolo za bulapeli ku yo lutiwa lituto zende kufitisisa. Ki baituti ba za bulapeli, ba ziba kaufela—kaufela za bulapeli ni zeñwi cwalo. Mi ba talifile, baitutile, ona luli. . . baba ketilwe babande hahulu bo luziba.” Mi neba ka lateha ni cwalo! Mwabona?

⁵⁹⁶ Cwale Kaine, fa lusika lwa hae: nebali cwalo, mañi ni mañi, neli wa bulapeli hahulu; sicaba se si ipitezi hahulu mwa kuzibahala; mi neli batu ba sayansi, ni madokota, ni bayahi, ni babeleki, ni batu baba talifile. Kono ona lusika lwani ne lu hanilwe, kuzwa ku Kaine kutaha mwa musipili kaufela kushetumuka.

⁵⁹⁷ Mi kwa neku la Abele: nebasi bayahi kamba baluti kamba batu ba ba butali fela; nebali ba, lubulele kuli, baba ikokobelize, mufuta wa bauti ba lingu, ni balimi ba lico, bene ba zamaya ka Moya.

⁵⁹⁸ Cwale, Bibebe ibulezi kuli, “Hakuna katulo ku babali ku Krete Jesu, baba sa zamayi ka nama kono ka Moya.” Mutu wa moya una ni moyo wa moya o sa koni kushwa. Mi mutu wa nama una ni maikuto a bulapeli ku yena (mi utabela kulapela ni zeñwi cwalo) kono ki wa nama; ha ki ya sa lumeli, kono ki mulumeli wa nama; mi neli mufuta o hanilwe.

599 Cwale, kuzwa fani, Kaine ayo inyalela musala hae mwa naha ya Nodi. Cwale, ha ibuleli ya na ilo nyala Seta, kamba bene ba nyezi babañwi. Mi nto yende luli ya litaba zeo ki kuziba kuli—kuli, Kaine na nyezi, luna ni kalabo ya zona. Kakuli na inyalezi kezela hae, kamba na . . . kamba na kaba wa . . .

600 Nekusina basali mwa naha, kono kaufela ne ba zwile ku Eva. Nali mahe wa zepila kaufela. Fo kikuli, batu kaufela bene ba pila, nali yena mahe wa zona. Leo kona libaka hanali wa . . . Linzwi la kuli *Eva* litalusa “mahe wa zepila kaufela.” Kacwalo ato pepa mwana yoo. Mi Kaine ainyalela kezela hae tenyene, neikaba fela nzila inosi ye Ni kona ku li bona ka yona. Kona kuli nekuna ni batu bene ba pila mwa lizazi lani, luli. Mwabona? Kihande, mi . . .

Mi Adama ni Eva ba pepa bana ba bona mwa Edeni . . .
Cwale amutalime, yeo kona puzo: **Hane bana ni bana mwa Edeni, ki kuli nekuna ni batu basili mwa lifasi ka nako yani? Batili! Mi mwa Genese 5:16, mwa bona, Kaine apila mwa naha ya Nodi mi a ziba musala hae.** Luli. Mwabona?

601 Yeo ki Genese 1, kwa Na bupile mutu ka siswaniso sa Hae Luli, sene sili sa bungeloi. Mi mwa Genese 2, A bupa mutu kuzwa mwa liluli la lifasi, yanali mutu wa nama yeo lunai cwale. Mi he, mwa 3 kwaba ni kuwa, mi a lelekelwa kwande a simu ya Edeni; mi kipeto bana ba pepa bana. Mi Kaine anga musala hae ni kupila ni yena mwa naha ya Nodi, kwande, kakuli Mulimu na mu kauhanyize kuzwa mwa kutwano ni mwanna habo yena muzwale (bakeñisa lifu la—la Abele). Mi yani ki yena yana bile ni yena, neli kezela hae luli, mi ainyalela yena; kona fela nzila inosi ye Ni kona, na kasibili, nikona kubona yana—yana nyezi ka yona.

602 Cwale, ku se kubulezwi . . . Mi Ni sepa kuli balikani baka babansu babaliteni mwahali mo ba ni swalele ka kubulela cwana, kakuli ha li si ka luka. Nako yapili ye Ni kile na kopana ni mutu mwa bupilo bwaka, kasumulaho Ni mano baka . . . Ne ni . . . katani Muzwale George DeArk ni babañwi kwani. Mi Na zamaya, mi Mulena ani isa kwa sibaka nyana. Mi ne ba sweli kuambola ko ne kuzwile mutu yomunsu. Mi ne ba lika kubulela kuli mutu yomunsu . . . Kuli Kaine na nyezi folofolo yeswana sina pombwe, mi kuzwa kwani kutahile lusika lwa batu babansu. Cwale, ao ki mafosisa! Kiniti, ao ki mafosisa! Mi mane ha ni yemeli ze cwalo. Kakuli nekusina mutu yomunsu kamba yomusweu, kamba mufuta ufi kaufela o shutana, ki lusika lulu luñwi fela lwa batu lo luzwile mwa muunda. Mi cwale sakumulaho wa muunda kwa taha tawala ya Babele, hane ba kalile kuhasana, kona ko ne ba ikungezi mibala ya bona ni zeñwi cwalo. Kaufela bona ba zwelezi kwa kota yeswana. Yeo luli kona niti. Adama ni Eva neli yena ndate ni me, ba lifasi, ba sibupiwa kaufela se si pila sa batu babaliteni mwa lifasi. Yeo ki niti. Babansu, babasweu, baba seta, baba fubelu, baba

ñandatalukeke, mubala kaufela omukona kuba ku ona, ona seo kona sibaka se mu lukela kuba ku sona ni kupila, ni mukwa wa kuli—kuli ni . . . Kuswana fela . . .

603 Na sepa Ni lukela kubulela taba ye ha Ni ihupuzi. Sicaba kwanu cwale mwahala saluluti ni milao ni lika ze ba fita ku zona, Ni sepa kuli ha li si ka luka. Na bona cwalo luli. Muteeleze, amuba siye fela batu, ba ziba se ba bata. Mulimu na bupile mutu yomunsu, mi wa tabela ka zona. Kaniti! Haiba Mulimu u ni bupa kuba mutu yomunsu, Ne ni ka tabela kuba cwalo; haiba Na ni bupile kuba mutu yomufubelu, Ne ni ka ba ya tabile; haiba U ni bupile kuba mukuwa, Ni tabile; haiba U ni bupile mutu ya ñandatalukeke, Ne ni kaba ya tabile. Mulimu u lu ezize ka mibala ya luna, ni ku lu bupa ka mwa Na latela kuli lube, mi luna kaufela lu bana ba Hae. Kiniti! Mi haba lukeli kukanana ni kufilikana cwalo ka zona. Zeo li fosahalile kueza cwalo. Ha ba lukeli kueza cwalo. Mulimu ki yena ya lu bupile. . . ka mo lu li batela.

604 Mi mutu yomunsu, ha tabeli kuzwela kwande ni ku yo zwakanisa mubala wa—wa lusika lwa hae, ni ku zwakanisa ni makuwa ni lika zeñwi cwalo. Ha ni mufi mulatu. Ha ni nyazi. Mutu yomunsu una ni lika mane za sina zona mukuwa. Kiniti! Yeo luli ki niti. Mi Mulimu ha si ka tabela kuli babe ka nzila ye cwalo.

605 Kihande, amutalime. Mutu yomunsu ki . . . ki—ki ya . . . una ni—una ni mubonahalelo wa si na mukuwa mane. Una ni buino bwa tabo yetezi lithonolo, ya “kusepa Mulimu, mi utoboha fela ze siyezi kuikela cwalo”; ni ha nani kamba haana, u tabile nihakuli cwalo. Ne ni ka tabela kuba ni zeo mwa buñata, busihu boo, Na sepa ne ni ka tabela cwalo. Kihande, yena una ni zona, ni kuli seo kona sifumu sa hae; ha ba tabeli kuzwakanisana ni lusika loluñwi ni ku lyanganisa mali, kube cwani. Yeo luli ki niti.

606 Ni sepa kalibe kwani kwa Shreveport na bulezi yeñwi ya—ya litaba zende hahulu ze Ni kile na utwa fateni mwa bupilo bwaka. Na bulezi taba, mi ba li beya mwa mutende. Ki ha ya kwapili, mi ali, “Lika ze mo li sweli kuezahalela kulo mo, mwa ketululo ye, Ha ni lati kuli banake baye kwa sikolo sa makuwa bani.” Ali, “Habana kuisseza ngana sina mo ne baka bela kambe ki muluti yomunsu.” Musali yani ki ya butali luli. Na ziba za na bulela, ba ka fumana tuto yende. Yeo ki niti. Kacwalo Ni sepa kuli batu ba fosanga ka kueza sani.

607 Mi cwale bali, “Kaine ni Abele . . .” ni zeñwi ze cwalo. Batili, sha! Mubala no si na sa kueza ni zona. Ki moya oli mwani mwahali ona ni sa kueza ni sona. Yeo luli ki niti.

608 Kacwalo Kaine aziba musala hae, mi yani neli kezela hae. Mi ba . . . amuisa kwa naha ya Nodi, mi teñi kwa taha mishobo yemituna ya lifasi: ba litaba za bulapeli ni ba lapeli.

609 Mi a ku nahane fela kacenu, mulikani, yema fela mi unahane fa nako nyana. Kuli kuna ni mashumi a likitikiti ku alulwa ka likitikiti ni likitikiti ze eza likitikiti, za batu baba yanga fela kwa keleke, baba sepahala ni kuipa kwa keleke yani mo ba kona kubela fela, baba latehile fela sina Kaine mwa na bezi. Mwabona? Ki Mulimu Ya keta! Ki Mulimu Ya supa! Mwabona? Mulimu ki yena Ya fa sishemo! Lizupa halikoni kubulelela mubupi, ki muzupi yana ni mata fahalimwa lizupa. Yeo ki niti.

610 Cwale ki ye yende fa, ye tatama fa:

Ku Pitrosi Wabubeli 2:4–2:4 . . .

611 Kuna ni yana ni Bibeles, lu bata kuapula mwa mañolo a kapili luli Hanine Ni abala, haiba mubata kubala. Mi mu ni tuse kulo fa, halunze lunga puzo yee.

612 Cwale, ku Kaine yoo ni—ni babañwi cwalo, haiba nji seo hasina ku alabala nto ye cwale, halu boneñi fela lu be ni zona. Lu ka tabela . . .

613 Cwale Pitrosi Wabubeli 2:4. Ku lukile, sha, ki luba ba fa:

66. Pitrosi Wabubeli 2:4, “Kakuli haiba Mulimu a . . . Kakuli haiba Mulimu a sika shemuba mangeloi a ezize sibi, kono u a lelekezi mwa lihele,” kona kuli kiñi Kreste hana ilo kutaza kwa mioyo yeli mwa tolongo, mwa Pitrosi Wapili 3:19?

614 Cwale, luna ni Pitrosi 2:4, pili. Ku lukile:

Kakuli haiba Mulimu a si ka shemuba mangeloi ana ezizi sibi, kono a akasheza mwa—mwa lihele, mi—mi atamiwa mwa mawenge a lififi, ko a bulukezwi katulo;

615 Cwale, cwale halu batisiseni haiba Pitrosi Wapili (yeo ki Pitrosi Wabubeli), Pitrosi Wapili 3:19, amuteezeze ku se. Ki luna ba fa, ona fa. Ze litahile fela, kuna ni libaka le Ni si ka li ñolela.

. . . mane kuli . . . a yo kutaza kwa mioyo ye mwa tolongo;

616 Oh, eeni, ki luna ba fa. Ha lu kaleleni fahalimu nyana a foo, fa timana ya 18:

Kakuli ni yena Kreste . . . u shwile hañwi kabakala libi, ya lukile u bulaezwi baba maswe, kuli azibe ku mi isa ku Mulimu, u shwile kwa neku la mubili, kono u pilisizwe kwa neku la Moya:

Ka moya wo U ilo kutaza mioya ye mwa tolongo;

Yene i ikuhumusize kale, . . .

617 Mulikana ka yomunde, kambe no ka bala fela timana yetatama, mi fateni fo I tolokile hande. Mwabona?

Yene i ikuhumusize kale, yene libelezwi ka pilutelele mwa mazazi a Nuwe, hane ku sa yahiwa areka, ili mo babalikani fela, bao ki, mioya ye ketalizoho ka ye milalu babane ba pilisizwe kwa mezi. (Mwabona?)

618 Cwale, haiba mu ka lemuha kulo faa, Ni sepa mukutazi yoo una ni yeñwi fa ka za . . . nto yeswana ka mubonelo ulimuñwi, ye ka alabiwa kasamulaho nyana.

619 Pitrosi Wapili 4 . . . kamba 2:4, haiba mulemuha, “kakuli haiba Mulimu na si ka shemuba mangeloi,” *lingeloi* leo lipetelelwa cwani? Taku zenyinyani ya “1.” Mwabona? Cwale, kulo faa, “mioyo yeneli mwa tolongo ye ne si ka baka mwa linako za pilutelele ka mazazi a Nuwe,” mangeloi aswana. Neli fela batu: balumiwa, bakutazi; “asika shemuba mangeloi.” Kana mwa ziba kuli . . . linzwi lelili *lingeloi* lizwa kwa linzwi la kuli “mulumiwa”? Ki ba bakai ba kuli *lingeloi* ki “mulumiwa”? Kiniti, *lingeloi* ki mulumiwa, “mi A si ka shemuba mangeloi.” Mwabona?

620 Mi mwa Maheberu mo, mwa hupula lu fitile ku zona lisunda nyana kwa mulaho, “ka za mangeloi”?

621 Mi mwa Mahe- . . . mwa Sinulo, “Kwa *lingeloi* la keleke ya mwa Sardisi ñola litaba zeo. Kwa *lingeloi* la keleke ya Efese ñola litaba ze. Kwa *lingeloi* la keleke . . .” Mwa hupula cwalo? Mi lu fitile hande mwa linzwi la kuli *lingeloi*, mi ni kuzwa mwa buka ya litaluso za manzwi, mi lwa fumana kuli litalusa “numwana.” Ikona kuba “mulumiwa mwa lifasi, mulumiwa wa buipiteli,” kona linzwi la kuli *lingeloi*.

622 Kacwalo mwa buino bo, hane lu ka nga buka ya litaluso za manzwi ni kukutela mwateni, mu ka fumana kuli likalela kwa “balumiwa, balumiwa ba pili.” Mwabona, “Mi haiba . . . Haiba a si ka shemuba . . . Kakuli Mulimu mbali a si ka shemuba mangeloi ana ezize sibi,” (Mwabona?) “mi libupiwa za buipiteli,” (Mwabona?) “kasamulaho wa kulibelega . . .”

Cwale amutalimele, u ize:

. . . haiba . . . a si ka shemuba mangeloi ana ezize sibi, kono a ayumbela mwa lihele, mi a ayumbela mwa litamo za mawenge a lififi, koo a bulukezwi katulo;

623 Mi cwale amu apule mwa Pitrosi Wapili mo hape, 3:19, mutalime nto ye mo ibalela cwale:

Kakuli ka mukwa o swana u ilo kutaza kwa mioya ye mwa tolongo;

Ye ne si ka baka, hane ku sa na ni pilutelele ya Mulimu mwa mazazi a Nuwe, . . . (mwabona, neli balumiwa ba lizazi lani, balumiwa) . . . hane ku sa yahiwa areka, ili kone . . . ku pilisizwe, mioyo ye eiti kwa mezi.

624 Cwale haiba mu ka lemuha fani libupiwa zani hane lili mwa Lihalimu. Cwale, mwani mwa Sinulo 11 . . . kamba kauhanyo ya 7, Na lumela . . . kamba batili, batili, ki kauhanyo ya 12. U fa siswaniso sa musali ya yemi; ni kweli kwa toho ya hae mi lizazi . . . kamba, lizazi kwa toho mi kweli mwatasa mahutu a hae. Mi dragoni ye fubelu ya yema kuli ibulaye Mwana Ha

sa pepwa fela, mi ya zukuza muhata wa yona ni ku kumula linaleli za Lihalimu kuwiseza fafasi. Kikuli mu lemuhile cwalo? Cwale, seo ha si talusi kuli Satani una ni—ni muhata o mutelele wa zukusanga batu ka ona, kono “ki litangu la na *bulezi*,” mi a kumula zeñwi za linaleli zani. Linaleli zeo neli peu ya Abrahamama.

625 Abrahamama ali, “Oh. . .”

626 Mulimu a bulelela Abrahamama, “Talima mwa halimu, mi ubale linaleli haiba wa kona.”

627 Ki hali, “Ha ni koni kubala.”

628 Ki hali, “Ni bona bana ba hao hauna kukona ku ba bala,” kona linaleli.

629 Naleli ya lilungwe ya Kakusasana ki mañi? Jesu wa Nazareta, ya benya hahulu kufitisisa ku ba bakile bapila mwa nama ya butu. Ki yena Naleli ya lilungwe ya Kakusasana. Mi ki Yena Peu ya Abrahamama, ya tahile ka Isaka. Mi luna, ha lu shwile ku Kreste, anga Peu ya Abrahamama mi ki bana kuya ka sepiso.

630 Kacwalo linaleli za lihalimu ne li yemela mioya ya batu fa. Mi cwale dragoni ye fubelu yona (Rome, mwatasa nyandiso ya yona) ha i swalisana ni sikwata tuna sa. . . kamba sikwata tuna sa linaleli, ni ku li wiseza fafasi, yani neli nako ya kutakiswa kwa Mulena luna Jesu ha ba Mu hana ni Nali. . . ni ku Mu yumbela kwande batokwa sa kueza ni Yena; zani neli zona linaleli sikwata sateni luli sa mangeloi, libupiwa za mangeloi.

631 Mwabona, mwa mubili wa mina, mwahali ku mina. . . (luna ni puzo yeñwi ku yona, ye namile hande, yeka alaba hande). Kona kuli. . . Mwahali a ku mina kuna ni moya, mutu yomuñwi. Kwande a mina ki mutu usili, mwahali a mina kuna ni mutu usili hape. Kacwalo mwahali a ku mina ki mutu wa buipiteli, ya kwande a mina ki wa nama. Mwabona? Mi sibupiwa se, haiba u zamaiswa ka Moya, ka Mulimu, u bile mulumiwa wa Mulimu, kamba lingeloi. *Mulumiwa* wa Mulimu, *lingeloi* la Mulimu, ki linzwi le li swana fela; ha li koni ku kauhana: mulumiwa wa Mulimu, kamba, lingeloi la Mulimu.

632 Mi ki mañi yana ni mata amatuna? Ki Lingeloi la kwa Lihalimu kamba lingeloi kwa katala? Ki lifi lelina ni mata? Ki lingeloi fa katala! Paulusi naize, “Haiba Lingeloi le lizwa kwa Lihalimu li ka kutaza evangeli isili ku mina kufita ye Ni kutalize kale, libe le li kutilwe anatema.” Konakuli lingeloi le li tozizwe ka Moya o Kenileni Linzwi li yema bukaufi ni Mulimu. Yeo ki niti. Mwa Lihalimu, mata a hae. . .

633 “Mata kaufela mwa Lihalimu ni mwa lifasi abeilwe mwa lizoho la Ka. Amuye, mi Ni ka ya ni mina. Kaufela se mu ka tama mwa lifasi, Ni ka si tama mwa Lihalimu. Se mu ka tamulula mwa lifasi, Ni ka si tamulula mwa Lihalimu.”

634 Oh, haiba Keleke yetuna yekenile ikona kulemuha mata a yona akueza lika ze. Kono kuna ni ku kakanya ko kuñata hahulu ni kusaba ni kungangama, ku ikalelwa haiba zakona ku ezahala, “Zakona kuezahala nji?” Haibile fela zeo li sa li teñi, kipeto Keleke haikoni kuyema hande. Kono haiba mubulelelo wa sabo kaufela u feliszwe mi Moya o Kenile u zamaisa Keleke hande, kona kuli sabo kaufela ifelile, mi kipeto Keleke yeo ina ni mata. Mwabona? Kiñi, bana ni lika kaufela zeo Lihalimu linani kwa mulaho wa bona. Ki lindumeleti za Lubona. Kiniti! Ndumeleti wa Krete una ni mata, mi kaufela zana ni Krete ki za ndumeleti yoo. Mi Na bulezi kuli, “Muye cwale mwa lifasi kaufela, mu lipaki za Ka Moya o Kenile ha sotile ku mina.” Mi paki ki mutu ya cwani? Ki ndumeleti; ki ya paka sika. Mata a Lihalimu kaufela a inzi mwa mazoho a hao ona foo! Oh, kiñi ze luinela? Mi kipeto keleke haina miselo, mi luitulela fela kulo kulikumumu. Ki mukwa wa kuli ha lu lemuhi lika zee.

635 Cwale, mioyo yeneli mwa tolongo (yene si ka baka), ne si libupiwa za Mangeloi ze ne—ze ne wiselizwe mwa libupeho za Mangeloi, kono neli mioya ya libupiwa za mangeloi ani yene wile kusikaba kale mutomo wa lifasi, kwa mulaho kafoo hane ku lwaniwa ndwa mwa Lihalimu. Mi Satani ni—ni dragoni ba lwana, mi cwale. . . kamba Mikaele ni—ni—ni dragoni ya lwana (ni Lucifer). Mi Lucifer a nepelwa fafasi ni bana ba hae kaufela (mangeloi kaufela a na pumile), mi mangeloi ani ataha mwa lifasi mi na lukela kuba batu. Mi hana bile batu cwalo, fani neli “bana ba Mulimu haba bona bana ba basizana ba batu kuli ki babande, mi ba ikungela kuba basali ba bona.”

636 Ki bana ba bashimani ba Mulimu. Muuna kaufela ya pepilwe mwa lifasi mo ki mwana Mulimu wa mushimani. Hakuna taba kamba ki muezalibi kamba ucwani ka mukwa ufi kaufela, ki mwana mushimani wa Mulimu. U bupilwe mwa sibupeho sa Mulimu kwa kanya ya Mulimu, u bupilwe ona cwalo. Kono Mulimu kwa simuluho na zibile ya na ka Mu amuhela ni yana si ke ku Mu amuhela. Kona ha Na konile kuketela cimo, kamba, isiñi ku ketela cimo, kono ka kulemuha kwa zibo ya hae Na ziba bene baka piliswa ni babasike kupiliswa, kakuli Na zibile kuli wa kuli yaka ba ni moya wa kuli.

637 Mi mioya yene zwile kwa Lubona lwa Mulimu yani, mi ye yemi fapila Lubona lwa Mulimu, mi ye pila. . . mi ma bilioni ni ma bilioni ni likalulo za nako kafoo lifasi li si ka kalisa kale, fa Pila Mulimu, ki kuli mu nahana kuli hakuna ze ba ziba ka za milumbeko? Mi ya taha ya kena mwa batu, mi ba lapela Mulimu! Kiniti, ba lapela Mulimu; mi bana ni zibo ya Mulimu, mi ba butali, ni bunangu, mane ba itutile, kamita. Kono Mulimu u ba hanile kuzwa fela kwa simuluho!

638 Kaewalo he, mulikani, bu membala bwa keleke, kamba—kamba zibo ya butali bwa lika za bulapeli kamba nto yeñwi, halina sa kueza ni Yona. I lukela kuba Mali a Jesu Krete

ni kupepwa sinca kona ze mi ngungeka ku Yena kuba mutu alimumu. Ki fo he cwale.

639 Mulimu, kwa simuluho Na zibile kuli . . . Baana ni basali ne ba bupilwe alimumu, isiñi bababeli, ne ba bupilwe alimumu. Ne ba kauhanyizwe, alimumu na beilwe mwa nama mi yomuñwi mwa bungeloi. Na ziba cwalo. Kacwalo kuli a bonise seo ku mina: Mulimu ha bupa musali, Na si ka nga mubu ni ku mu bupa sina mwa Na bupezi muuna; Na ngile likupo kwa makupo a Adama, mi aba sibyana se si ngilwe ku ze bupilwe za muuna (kakuli musali ki siembra sa muuna). Mwa Si utwisisa cwale? Mwabona? Ki fo he cwale.

640 Ki ao mangeloi. Mi Mulimu ni moya o tamahani ku Mulimu ki Moya ulimumu. Yeo ki niti. Cwale, Moya wa Mulimu o pila mwa Keleke, ki ona Moya o zwile kwa Lihalimu, wa na zibile Mulimu kuzwa isali kwa simuluho ya lifasi, bene ba hanile buhata bwa diabulosi. Mi moya wani no na ni kuapala mubili wa nama kuli ube. . . ni miliko ya hae. Nana ni kutaha mwa mubili sina babañwi mone ba ezelize, mi kaufela bona ba lwala koko yeswana. Mi Mulimu, ka simuluho, na ziba mioyo ye ka piliswa, ni ye ne si ke kupiliswa. Ki fo he cwale. Diabulosi yani u talifile hahulu kuli mane wakona kupuma ni bona baketwa, haiba ki nto ye konahala.

641 Kacwalo mioya ye, mangeloi ana kutazwe ani, nali mwa tolongo; *mangeloi*, haiba mu ka lemuhe fa, ki taku yeyinyani ya “l” ili kotalusa kuli “mutu”; mangeloi, balumiwa fa lifasi mubu fa. Ne ba ezize sibi, mi nzila inosi fela yene ba ka eza sibi ka yona neikaba ka ku sa lumela! Mi nzila fela. . . Nebana ni bulapeli bwa bona, mi ne ba si ka lumela liñusa la Nuwe. Ne ba si ka lumela Enoke. Mi ba hana Liñusa la bona, “mi ba fiwa koto,” Bibebe ibulela kuli ne ba li cwalo.

642 Enoke na ba polofitezi, naize, “Mulena utaha ni ba bakenile ba Hae likiti ze lishumi.”

643 Mi ba polofita. Mane Nuwe a yaha areka, mi se bali, “Ki mupikuluhi ya kenie! Ki mufitezezi wa tumelo! Hakuna nto ya kuli kutaha kwa pula.” Mi myaha ye mwanda ni mashumi amabeli ya fita, mi nanani bulapeli bone buna ni puluso, nekuna ni nzila ya kupicuka ka yona ye lukisizwe, kono ne ba ikutwa kulikana mwa buino bwa bona.

644 Kona mo kuinezi cwalo kacenu, kuli mutu uikutwa kulikana mwa buino bwa hae. Kono kuna ni nzila ya kupicuka ka yona, mi nzila ki ka Jesu Krete. Amen. Ki fo he cwale: lusika lo luswana, mioya ye swana.

645 Mi ne bali batu ka niti, ba bulapeli hahulu, kono ba mbwinja buitamo bwa bulikani.

646 Kona mo kuinezi kacenu. Mutu uya kwa keleke, ni kuikopanya kwa likeleke zetuna, ni kulika kuba mutu ya zibahala hahulu mwa tolopo. Haiba utabela kuikopanya kwa

keleke, uka kena ku yetuna hahulu mwa tolopo, yende hahulu mi ye akalezwa hande mwa tolopo. Mo ba latehiseza pizo yateni! Mo ba I latehiseza!

⁶⁴⁷ Nzila inosi fela yo kona kuziba Jesu Kreste ka yona ki ka sinulo ya moya, isiñi ka za bulapeli ni mo kona kubalela Bibebe. Niha ukaba waba Christian Science, Methodist, Paki ya Jehova, kamba kaufela soli sona; hakuna taba kamba usikamañi kaufela, hauna ku Li ziba ka Linzwi, ki Moya wa Mulimu kona o Mu patulula ku wena. Ki sinulo ya moya!

⁶⁴⁸ Mi Adama, mwa simu ya Edeni, ni Eva, bana bani ha ba nepelwa kwande, kwa taha Kaine ni tuto yende ya bulapeli. Mi ali, “Mulimu una ni kuziba kuli lueza nto ye kuzwa kwa busepahali bwa—bwa pilu yaka. Ni ka yaha katala kakande, Ni ka kabisa lipalisa fateni, Ni ka beya miselo fateni, Ni ka ka kabisa hande luli. Kaniti Na kona kutabisa Mulimu ka se mi A zibe kuli Na sepahala kuzwa mwa pilu yaka.” Na li ya lukile kuya ka Linzwi mo ne libezi; Mulimu ubata milapelo, na ilo lapela. Na yahile sibaka sesinde sa kulapelela, sesituna, muyaho tuna (sina mo ba ibizeza kacenu). Mi a uyaha hande, na uyahile hande ni kubeya katala mwateni; ne si ya sa zibi za bulapeli.

⁶⁴⁹ Kono Abele, fa Linzwi la Mulimu. . . Nekusina Bibebe yene ñozwi ka nako yani, kono Mulimu a *patulula* ku yena kuli ne si muselo onono lu lelekile mwa simu ya Edeni, ne si ma apule one ba cile bo Adama ni Eva, ne li litaba za kufosa kwa nama kona ze ne ba kauhanyize ni ku ba fapahanya. Mi ka kuziba kuli baba batu baba shwa, mi ka mali a Adama, ni ka mali a separti noha yana kalile taba yeo, Abele, ka sinulo ya Bumulimu, ayo nga ngunyana ni ku italeka. Mi Mulimu ali, “Kona ona cwalo Kulukile!” Luli.

⁶⁵⁰ Ha ba tuluka fa Lilundu la Petuho, Jesu ali, “Batu bali ki Na mañi na nili Mwana mutu?”

⁶⁵¹ “Babañwi bali ki Wena ‘Mushe,’ mi babañwi bali ki Wena ‘Elia,’ mi babañwi bali ki Wena ‘Jeremia,’ mi babañwi bali ki Wena ‘Mupolofita wakuli.’”

⁶⁵² A bulela kuli, “Kono mina muli ki Na Mañi?”

⁶⁵³ Pitrosi ali, “Ki wena Kreste, Mwana Mulimu ya Pila.”

⁶⁵⁴ Mi ali, “U fuyozwi wena, Simoni Bar-jona, kakuli nama ni mali ha li si ka ku patululela seo.” (Mutalime!) “Ha ki ka liñolo, ha ki ka sikolo; ha u si ka ituta zona mwa sikolo sa bulapeli, kamba kuli kuna ni ya ku bulelezi. Nama ni mali ha li si ka ku patululela zona, kono ki Ndate ya mwa Lihalimu ya ku patululezi sona. Mi fahalimwa licwe le Ni ka yaha Keleke ya Ka, mi minyako ya lihele haina ku I kona.” Ki fo he cwale. Ki yeo Keleke ya Mulimu yapila. Ki niti. Ku yona keleke yeo. . . Fahalimwa *sinulo* yeo, Keleke ye kona fo uyahilwe. Ki sinulo ya Bumulimu ye patuluzi, kuli Jesu Kreste ki Mwana Mulimu, mi u Mu amuhezi kuba Mupulusi wa hao, u zwile mwa lifu kukena mwa Bupilo.

655 Mi Moya o Kenile usweli kuzamaya ni kubeleka mwa lilama za Mubili wo. Ki yeo Keleke! Hakuna taba kamba i shebile, mi imwa tumo, mi uyemi mwatasi a kota ya mupulanga kokuñwi, kamba kaufela ko ifumaneha, haiba ki mwa ndu ya mutu mwa mukopano wa kwa mukunda, hakuna taba kamba ikona kuba kai. Bunde ni lika zecwalo ha li ebelelisi Mulimu. Ki busepahli bwa pilu ka sinulo ya kuli Jesu Kreste u zibahalizwe kuba Mwana Mulimu, Mupulusi wa luna. Amen!

656 Mawi, luna. . . hamuna kufeza zeo, kufita ku zona cwalo, nji luka lifeza sha?

657 Zeo ki zona. . . kwa Na ile kwani; mangeloi: balumiwa, bakutazi bani, bona baituti babatuna, balumiwa bani bene ba si ka lumela Nuwe hanailo kutaza ku bona ni ku ba bulelela kuli, “Kupalañi, amukene mwa areka ye.”

658 Se bali, “Amu utwe mupikuluhi ya kenile yoo. Mu teezeze mufitezezi wa tumelo yoo. Kiñi, hakuna pula. Ki mañi yakile autwa fateni ze cwalo? Kiñi, mawi, kana haluna likeleke nji? Halu ba bulapeli nji?” Kiñi, neli ba bulapeli!

659 Jesu naize neli lusika lo ne lu se lufitile ka nako yani, lusika lwani lu ka kutela hape kale kusikaba Kutaha kwa Hae, “Mo ne kuinezi mwa mazazi a Nuwe, ki mo ku ka bela ni ka kutaha kwa Mwana mutu. Kakuli ne ba ca, kunwa, kunyala, ni ku nyalisa.” Nebana ni Reno, Nevada linako zani, kwa sibaka sesiñwi. Nebana ni mifuta kaufela ya litaba za bukuba zebana ni kacenu; kumata mata, ni kubapala, ni kueza lisheha, basomi ni zeñwi cwalo; kuba ni mufuta wa bumulimu, kono ba latula Niti ya luli: bulikani, Liñusa la sishemo. Mulimu inza lukisa nzila ya Hae, ni kufa sicaba sa Hae—Hae bulikani, mo ne ba ka bandukela; Ne ina ni puluso mwahala yona, puluso neli sibaka sa masabelo.

660 “Lutokwa sikamañi kwa puluso?” Kacenu sicaba sili, “Hanili lu pila mwatasa mubuso wa za tukuluho? Lu tokwa sikamañi?”

661 Hanina taba kamba muuso o lu pila ku ona una ni tumelelo ya tukuluho yekuma kai, lu tokwa Mali a Jesu Kreste. Luli! Lu tokwa Kreste. Na itumela kwa muuso wa mufuta wa za tukuluho; zeo halina sesiñwi, sa kueza ni puluso ya moyo. Kiniti! Miuso yeo ika fela, mi ni naha kaufela ika fela. Mi Na ni yemi ka. . . fo ne ba yemi bo faro, mi muna ni ku kata liñokolwa ze mashumi amabeli mwa mubu kuli mufumane mileneñi ya bona fo ne itomile. Bo faro kaufela ni mubuso wa bona wa lifasi le, ni lika kaufela za bulena kaufela lika fela ni ku yunda, kono Jehova uka busa kamita, kakuli Yena ki Mulimu ya sa shwi. Ka kutiya lu yemi fa Licwe ili Kreste Jesu, kakuli libaka zeñwi kaufela ki lishabati.

662 Hakuna taba kamba ki. . . mibuso ika zuha ni kuwa, kono oh, hakuna sika. . . Hanina taba kamba ki. . . sika kaufela; hakuna

kwa lika zeliteni, hakuna za kwapili, hakuna (lukupwe kamba manyando kamba sika kaufela) zekona ku lu kauhanya kwa lilato la Mulimu leli inzi ku Kreste. Mutu ha pepilwe ka Moya wa Mulimu, seli sibupiwa se si siyo mwa nako, kono ki sibupiwa sa Kuyakuile. Amen. U zwile mwa lifu ukeni mwa Bupilo. U zwile kwa . . . U fitelezi kalulo ya nako, kukena mwa Kuyakuile. Ha sa kona kushwa! Mi Mulimu na itamile kuli Uka mu zusa ka lizazi la mafelelezo.

⁶⁶³ Konakuli bakona kuba ni likeleke za mina zetuna, ni linako za mina kaufela zetuna, ni kaufela ze mutabela kuba ni zona, ni kubulela lishela la masila ni lipapali za Bunco, ni mikiti ya malyalya ya manzibwana ni lika zeñwi kaufela ze mutabela kuba ni zona; ni kuba ni bakutazi babañwi baba itutile baba yemi kwani. Mwendu wakona kueza musebezi omunde ha filwe kufita babañwi ba micaha ba banyinyani ba baba sa zibi ABC ya bona. Kono Na mi bulelela niti, Ni ka tabela kuba ni mushimani ya sa zibi ABC ya hae kuli ani kutaze (haibile wa ziba Kreste) kufita kuba ni baituti ba za bulapeli babatuna babaliteni ni lituto za bona zekona ku hupulwa kaufela. Kiniti!

⁶⁶⁴ Kwanu kwa Kentucky, ha ki kale hahulu, mushimani yomunyinyani ya sa koni nihaiba kubala libizo la hae, ya ka bulela kuli Mulena u mu bizelize kukutaza mi ubata ndu mwa kuitutela. Kiñi, likuta halikoni ku mu lumeleza kuba ni zeo. Mukutazi yomuñwi yomutuna ni libizo la hae kwa mulamu *cwalo*, muituti yomuñwi wa za bulapeli, kiñi, ba mu tuhelela kuba ni sikolo. Luli. Nana ni ancafazo ya lisunda zepeli, kusina nihaiba moyo ulimuñwi. Mi bo ndatahe ba kutela kwateni, ali, “Cwale mu mutuhele abe ni zona, Na na lifanga mitelo, Nina ni tukelo yakuli mushimani waka abe ni zona. Ni mushimani waka ulukela kuba ni zona hape.”

⁶⁶⁵ Konakuli akuta ku yo batisisa hape, ni ku ba buza, ba li, “Kihande, lu ka mu lumeleza kuba ni zona mwendi ka masihu amabeli.” Mi ba mu lumeleza kuba ni zona ka masihu amabeli.

⁶⁶⁶ Mi busihu bwani mushimani yomunyinyani yani aya mane a palelwa neba kubala Bibebe, yomuñwi a mubalela palo ya hae. Kono ha na ya kwa katala, na tozizwe ka Moya o Kenile. Mi ha na kutalize, mwendi baba mashumi amabeli ba taha kwa katala; mi mukutazi ya ikuhumusa yani alila mane ku yo punya kwa Kalvari, ona fa katala fani.

⁶⁶⁷ Luli, muzwale, ha ki—ha ki ze muziba, kono ki Yo uziba. Wo kona mulelo, zeo kona ze ezahala, si lwala kuziba Kreste. Ku ziba Yena, ki Bupilo; ku Mu hana, ki lifu.

⁶⁶⁸ Kapili kwa lipuzo za luna zeñwi, lipuzo cwale ze ya kwa Georgia:

67. Kana macwe mwa . . . ayemela sikamañi mwa Sinulo 21:19 ni 20?

669 Haiba mutabela kuba ni nako ya kuli muapule Libibele za mina, zeo mane haluna nako yeñata ka zona cwale, kono Ni ka lika ku li alaba kapili. Sinulo twenti. . . Ni lumela kuli ki 21:19 ni 20. Eeni.

670 Ku lukile, mwateni mo mu ka fumana kuli na sweli kubulela ka macwe ana yahiwa. Mi macwe neli mitomo. Haiba mu ka lemuha. . . Ni lumela kuli muna ni zona mwateni, Muzwale Neville. Mi licwe lifi kaufela neli mutomo. Hakuna nahaiba licwe lililiniwi la mutomo, ni amañwi. . . Kono licwe ni licwe neli mutomo. Licwe ni licwe neli mutomo o tiile. Mi nekuna ni macwe a lishumi ka amabeli. Mi haiba mu ka lemuha macwe a lishumi ao, mufe leliñwi ni. . . Pili mukalise ka jasper, ni sardius, ni zeñwi ze cwalo, ili kuyemela licwe ni licwe.

671 Mwa Bibeles muka fumana libaka ha na bizwa kuli ki macwe cwalo. Amañwi a ona na shutana kwateni, ha mu si ka utwa za ona. Haiba mu ka talima mwa buka ya litalusi za manzwi mu ka fumana kuli ki licwe le li swana, ki libizo fela le li shutana; li cincize.

672 Kono likala ka—ka jasper. Jasper neli licwe la—la Benjamin, kamba, licwe la. . . oh, mwana wa mushimani wapili, Reuben. Licwe la pili neli Reuben, yeneli jasper. Licwe la mafelelezo neli Benjamin, licwe la mafelelezo fa halimu.

673 Cwale, macwe a twelufu ao fo ne ku tomilwe mitomo, ona—ona macwe a twelufu na fumanaha ni fa sapalo sa fa sifuba sa Aruni. Mi na—na yemela, neli yena muprisita yomutuna wa ona—ona masika aa. Leliñwi ni leliñwi la macwe ao naliteni mwateni, mwa—mwa sapalo sa sifuba. Mi cwale sicaba hane sibona macwe ani cwalo, ne ba ziba kuli Aruni neli yena muprisita yomutuna wa masika kamukana, hane ba bona licwe la sipepo mwa sapalo sa hae sa macwe sani.

674 Cwale, hane lu utwa kakusasana cwana kwa kutazo ya Muzwale Neville. Mi ni linako zeñata ze ne batisa Urimu wa Tummim. Mwa ibona haibulezwi mwa Bibeles kuli kona mukwa o ne ba ziba ka ona kuli liñusa la bona neli la Niti kamba kutokwa. Ona macwe ani, hane bakala kubulela sa na bulela mutu, muplofita ha na polifita, mi macwe ani kaufela monyehanga hamoho. Na monyeha liseli ka kuzamaelela lene lituka ka sapphire, ni jasper, ni carbuncle, ni macwe ani kaufela na monyeha liseli la ona, na monyeha ka kubonahalisa nambwamutalati wa mibala yeminde yene lumelana hande hamoho.

675 Cwale, cwale, kacenu, mi Urim Tummim yani ha ito feliswa ni buprisita bwani, cwale Bibeles ye kona Urim Tummim ya Mulimu kacenu. Mi haiba mukutazi a kutaza, hailukeli fela kuba sibaka silisiñwi nyana fafasi faa, mi kipeto kona fa toma sepo ya hae ona foo kihona; ilukela kuba Bibeles kaufela yona ye monyehela kutazo ya muuna yoo. Yeo kona taba.

Isiñi sibaka silisiñwi fela, ni kubulela kuli, “Kihande, Bibebe ibulela cwana.” Oh, luli, ibulela lika zeñata. Kono ulukela kuitamahanya hamoho kaufela yona. Mi cwale Moya wa Mulimu ha utaha ni kukena mwa—mwa Linzwi, U ibeya hande hamoho ni ku monyeha Liseli lelituna lililimu, mi Liseli leo ki Jesu Kreste. Amen.

⁶⁷⁶ Cwale, macwe a twelufu a neli mitomo yene kalisizwe kuzwa ku Reuben, ni Gadi, ni kutaha fafasi kuto fita ku Benjamin; masika a twelufu, macwe a twelufu. Mi macwe ani mwa Tempele, mwa Jerusalema yomunca wa Lihalimu, mutomo ufi ni ufi uka tomiwa fa mapatriareka bani.

⁶⁷⁷ Cwale amutalime, mulemuhe mace ao, cwale mu ka ba bona mapatriareka bani kuli ne ba monyeha handende mwa sika sesiñwi, mwa puzo fela yeñwi.

68. Tatulula—tatulula zene. . . libatana zene za Sinulo 5.

⁶⁷⁸ Muzwale Neville, haiba muna ni yona yeo fakaufi, kamba yomuñwi wa mina, ya Sinulo 5, luka i bala fa muzuzu fela. Ki ye—ki siswaniso sesinde fa sa. . . Fa, Nina ni sona na kasibili, Sinulo kauhanyo ya 5:

Mi Na bona mwa lizoho la silyo la ya inzi fa—yainzi fa lubona buka yeñozwi mwahali ni kwande ni—ni—ni kwa mulaho wa yona, i swailwe ka maswayo a supa.

Mi Na. . .

⁶⁷⁹ Cwale, sani ha ki sona sibaka. Ni bata fela kuya fahule nyana, libatana zene. Halu boneñi, timana ya 14. Ku lukile, sha. Cwale ki luna bao haluyeni, yeo ki niti. Cwale ha lu kaleleni fahalimu nyana fa—fa timana ya 12, batili, Ni sepa ki. . . “Mi libatana zene za li, ‘Amen.’” Batili, kuna ni sibaka nyana mwa mulaho wa foo, Muzwale Neville. “Amubone, Na utwa linzwi. . .”

⁶⁸⁰ Halu boneñi, fa muzuzu fela, Ne ni sweli kuibala fa nako nyana. Oh, ki luna ba faa, ha lu kaleleni fa timana ya 6. Timana ya 5:

Mi alimuñwi wa babahulu ani bulelela ali, Usike wa lila: bona, Tau ya lusika lwa Juda, Mubisi wa Davida, u komile kuli a kwalule buka, ni ku tamulula ma. . . maswayo ayona.

Mi Na utwa, ni, . . . ali mwahala lubona ni. . . libatana zene, mi, mwahala babahulu, neku yemi Ngunyana inge, ye tabilwe, yena ni litho ze sebene ni meeto a sebene, ili Mioya ye sebene. . . ye lumilwe kuzwa. . . mwa lifasi.

⁶⁸¹ Ni bata kuli mubuluke puzo yeo, mi haiba ha Ni na kuiswala fa muzuzu nyana fa, Ni bata kuli muikutise hape, Ni bata katalimana ni yona, “Mioya ye sebene ya meeto a sebene yeneli ku Ngunyana.” Oh, yeo ki nto yende luli. (Kihande, lu bata

kunga puzo ya muzwale ye cwale.) Ku lukile, musike mwa libala zeo cwale.

Mi ataha ku to nga buka mwa lizoho la yainzi fa lubona.

Mi ha i inga, libatana zene ni babahulu ba ba mashumi amabeli ni ba bane ba wela fapila ngunyana, . . . yomuñwi ni yomuñwi inza sweli harepa, . . .

682 Cwale, bao ki—ki babane—libatana zene faa, haiba mu ka lemuha. Cwale halu zweleni pili fapata nyana:

. . . liharepa za gauda, . . . zetezi manaka ni minunkiso, . . . ni litapelo za ba bakenile.

Mi ba opela pina yenca, . . . Wa swanela. . . (mi ba zwelapili ba fa . . . milapelo yabona ku Mulena)

683 Cwale, libatana zene za Sinulo zee, haiba mu ba lemuha, libaka kaufela. . . (Mina babali ba Bibele, mi ni yena muuna yo u ka teezeza kwa tepu ye rekodiwa cwana). Libatana zani zene, nelina ni lifateho zene: sesiñwi ne si na ni sifateho sa mutu, sesiñwi nesina ni sifateho sa komu, mi sesiñwi sifateho ne si swana ni sa mbande, mi sesiñwi sifateho ne si swana ni tau. Mi ne li sa kuti mwa mulaho, ne li sa kuteli mwa mulaho.

684 Ki ba bakai ba bahupula buka ya kale ya Sinulo hane ba ilutile lilimo za kwa mulaho, ha Ne ni tandile mwendi lilimo zepeli kwanu fa Buka ya Sinulo? Buñata bwa batu bakale ba hupula.

685 A mutalimele, ne li sa kuti mwa mulaho, kakuli kaufela ko ne li ya ne li ya kwapata. Haiba liya neku *le*, ne li zamaya sina mutu; haiba li ya neku *le*, ne li zamaya sina tau; kuya neku *le*, ne li zamaya sina tau; haiba liya neku *le*, ne li zamaya sina komu. Mwabona, ne li sa kuti mwa mulaho, ne liya kwapata ka nako kaufela.

686 Cwale libatana zene zani. Cwale kapili kuli lufeze taba ye, kakuli Hani lati kusinyeza nako fa puzo yee. Kono libatana zene. . . *Sibatana*, mwa Bibele, siyemela “mata.” Mi mu lemuhe libatana ze ne li siyo mwa lisa kamba kamba mwa liwate kokuñwi mo ne li zwelela, kono ne lili fa Lubona lwa Mulimu, mi ne ba sweli kulumbeka Mulimu. Libatana zene zani litalusa mata ana zwile mwa mubu, mi mata amane ani neli li Evangeli zene: Mateu, Mareka, Luka, ni Joani; ye ha i lwanisani ni yeñwi.

687 Iliñwi ya zona, ki. . . Sina Evangeli mo izamaela sina tau, ki ye buhali, i bundume; Evangeli i bundume sina tau, mi ki mulena wa tau. Haiba iya kwa neku la sifateho sa mutu, i butali ni kutalifa sina mutu. Haiba iya kwa mbande, ina ni mafufa a bubebe ni kulenda ko kutuna. Ki. . . Mwabona se Ni talusa? Haiba izamaya sina komu, ki musebezi okona ku hohiwa ki pulu, musebezi o hohiwa ki pulu ye lwala mu—mu—mutiyo wa Evangeli. Libatana zene neli mata amane, anali bo: Mateu,

Mareka, Luka, ni Joani; li Evangeli zene ze tuuma fa Pila Mulimu. Zani neli . . .

⁶⁸⁸ Haiba mu lemuha, nelina ni meeto kwapata ni kwa mulaho. Neli—neli . . . Kaufela ko ne li ya, ne li monyeha. Ne li bona kaufela ko ne liya. Mi ao kona mata a Evangeli hanze i zamaya cwalo, ya kona ku . . . Ina ni butali bwa mutu; ina ni bubebe bwa mbande; ina ni—ni—ni—ni mata, mata a kuhohisa, ilwala mitiyo sina komu; ina ni—ni buhali ni bundume sina tau. Mwabona, kona li Evangeli zene, ili ona mata amane a Sinulo, kauhanyo ya 4.

Ku lukile, cwale yetatama:

69. Ki bomañi babahulu ba ba mashumi amabeli ni babane? Ku lukile, Ni lumela kuli yeo ikaba fa—fa . . . Ki bomañi babahulu ba ba mashumi amabeli ni babane?

⁶⁸⁹ Cwale yeo ibunolo fela, neluka fita ku yona. Babahulu ba ba mashumi amabeli ni babane ne ba ina fapila Lubona. Mwa ki mwa . . . Ni lumela kuli ki mwa timana ya 4, kona fo ifumaneha. “Mi kwa utwahala yeñwi . . .” Ni na ni ku . . . Ha lu boneñi, Nina . . . 4:10.

⁶⁹⁰ Ku lukile, ki Sinulo, kauhanyo ya 4, ni timana ya 10. Ku lukile. Lu ka fita ku zona.

Mi babahulu ba ba mashumi amabeli ni babane bawela fafasi fapila yainzi mwa lubona, ni ku mukubamela ya pila kamita ni mita, mi ba tubula mishukwe ya bona inze bali,

Wa swanela, O Mulena, ku amuhela kanya ni likuta ni mata: kakuli u bupile linto kaufela, mi ha li bupilwe ki ka tato ya hao.

⁶⁹¹ Cwale babahulu ba ba mashumi amabeli ni babane. Yomuhulu ki mutoneli. Cwale mulemuhe, nekuna ni mapatriareka ba twelufu ni ba apositola ba twelufu. Mi ne ba inzi, ba twelufu kwa neku leliñwi mi ba twelufu ku leliñwi. Bao kona babahulu ba ba mashumi amabeli ni babane, bene bali ma patriareka baba twelufu kwa neku leliñwi, la Testamente ya Kale; ba apositola ba twelufu kwa neku leliñwi, la Testamente Yenca. Kana Jesu na si ka bulela kuli, “Mu ka ina fa mabona a twelufu, mu atule masika a twelufu a Isilaele?”

⁶⁹² Cwale, mitomo. Amutalime, mane kuna ni kota mwateni. Mi kota ye yemi neku le ni neku lani ibeya miselo ya mifuta ye twelufu. Mi ibeya miselo ya yona hañwi ka kweli, kakuli kuna ni likweli ze twelufu mwa silimo. Ibeya miselo ya mifuta ye twelufu mwaha ni mwaha hainze ihula cwalo. *Twelufu*, mwa “milapelo” nombolo yeo, mwabona. Mi bao kona baba mashumi amabeli ni babane, ilukela kuba mashumi amabeli ni babane, ba apositola ba twelufu ni ma patriareka baba twelufu. Bainzi fapila Lubona.

⁶⁹³ Ku lukile, cwale timana ya 4, kamba, puzo ya bune:

70. Kanti lisila le libufelu ne li yemela sikamañi mwa Genese 38?

694 Lisila le lifubelu, haiba mu ka lemuha, ne li Judah. Mi nana ni bana baba shimani, mi alimumu wa bana ba hae a nyala musali wa mu Kanana. Mi musali wa mu Kanana yo nasina nihaiba mwana yomukana, mi mwana hae wa mushimani a shwa. Mi, mulao wa neli wa kunga . . .mwana wa bubeli nanani kunyala musala muhulwana hae, kuli apepele muhulwana hae ye shwile lusika. Mi muuna yomuñwi ha na si ka eza ka swanelo mwa lukela kuezeza, Mulena na mu bulaya. Mi na na ni mucaha yomunyanyi; kona kuli Judah ali, “Kufitela mwana hae yo a . . . hula kufita fa siyemo fo mukona ku mu nyalisa.”

695 Mi ha na hulile kufita fa siyemo sa kuli na lukela kunyala musala bahulwani ba hae bababeli, kihande, na lukela ku munga ka nako yani, kuli a tahiseze lusika bahulwani ba hae bene ba . . . bene ba shwile fapila hae. Judah na si ka fa musali (musali wa mu Kanana) mwana, wa mushimani, mi amu tuhela fela kuikela ona cwalo. Kacwalo musali a bona kuli na fosa, ki ha yo itama lisila kwa sifateho, ni kuina mwa sibaka mo ku fita batu kaufela sina lihule.

696 Judah ataha mi anga musali yani sina musala hae, mi nali lihule, mi apila ni yena. Mi ali, musali ali, “Kihande, u ka ni fa sikamañi?” Mi yena . . .musali abulela . . .

697 Muuna ali, “Ni ka mufa kana ka—ka puli.” Mi ali, “Kihande, ni fe sisupo sa kuli u ka ni fa kona.” Kacwalo anga mulamu wa hae ni liseka ni zeñwi cwalo, mi ali buluka.

698 Mi ha ba yo tisa kapuli, ba palelwa ku fumana lihule, kakuli na si lihule.

699 Kasumulaho nyana, na bonisize kuli na lukela kuba me. Mi ha na bonisize kuli na lukela kuba me, ba taha ku Judah bali, “Mukwenyana hao u ezize kezo ya lihule.” Ali, “Kakuli na—na lukela kuba me, mi bashimani bababeli ba hao ba shwile.”

700 Ki hali, “Kihande, na ka biziwa, ni ku mu cisa mwa mulilo.”

701 Mi kacwalo a luma manzwi ku Judah, mi ali, “Muuna ya ezize cwana, ki yena muña mulamu woo ni liseka.” Ku lukile, yani neli yena mukwenyana hae.

702 Mi ki hali, “Ki ya lukile hahulu ku Ni fita.”

703 Cwale, ha na zibile kuli bana ba hae ne ba sutelela kwa kupepwa, neli ba mambile. Mi cwale mabile. . .Mbututu wa pili ha pepwa, mulao wa Sijuda wa kale, mwana wa pili ki yena yana fiwa tukelo ya sipepo, yena mwana wapili ya sa pepwa fela. Mi sani, muhupule, neli mwana hae wa pili. Hakuna yomuñwi wa bashimani bani yana pepile bana ka yena. Na si kaba ni mwana konji ka nako ye.

704 Mi cwale mwana hae wa pili ha to pepwa, neli fela lizoho. Mi mupepisi atama kasila ku lona, kakuli lisila le li fubelu nelina ni

ku liulula mwana wa pili wa mwalyanjo Maria yana kaba ni . . . ni lisila le lifubelu la puluso.

705 Mi ha to kutisa lizoho kwa mulaho, yomuñwi a to pepwa pili. Mi ha to pepwa, ali, “Kiñi ha uezize cwalo? Yomuñwi na bile ni tukelo ya kupepwa.”

706 Kona kuli seo kona Genese 38 italusa, mwa bona. Kuli mwana wapili na sa siyezi mwa mulaho kufitela kutaha kwa Mulena Jesu Kreste. Kuli wapili nali mwatasa mulao.

707 Mwa ziba se Ni bulezi . . . mule yomunyinyani, mwa ziba, Ni bulezi ka zona, kuli meeto a hae nali . . .kaufela seo sili sona, lizebe za hae za kutela mwatasi, kono, haiba na pepilwe ni tukelo ya sipepo, ya sina mulatu, ngunyana ye petehile ya shwa mwa sibaka sa hae. Ki yeo foo.

708 Kona kuli zeo neli kuya ka tukelo ya lupepo. Mbututu wa pili yene zwile ku musali, mi ba bona lizoho lani (mi a ziba kuli ne li ka kuta hape). Mi cwale a to zusa lizoho la hae kubonisa kuli nana ni kasila kwa lizoho, neli yena mweli, mupepisi ki yena ya na tamale kasila kaka fubelu kwa lizoho ni kukutisa lizoho la hae kwa mulaho. Mwabona? Kono, kiniti, nali yena wapili. Lani neli lona lisila leli fubelu, lisila leli fubelu lina . . . nzila kaufela ya musipili mwahala Bibebe, li talusa puluso; yene supa kwapata ku mwana wapili yana taha.

709 Pelesa yapili yene pepilwe, komu yapili yene pepwa, kamba neli sikamañi kaufela, lika kaufela ze ne pepwa za makalelo (ze ne pepwa) neli mwatasa puluso, ze ne na ni ku puluswa; lika kaufela nelina ni ku puluswa! Haleluha! Oh, seo sa ni katulusa fela ka tabo. Kana mwa utwa nji? Wa *pili* nana ni ku liululwa. Neli mulao. Kufuyolwe Libizi la Mulena!

710 Mi cwale Jesu Kreste ha na pepilwe, Na liuluzi lifasi loote. Kiniti, Na li pulusize. Na li yena Muliululi wa sibupiwa kaufela se si bupilwe mwa lifasi. Na li yena Muliululi. Mi kwa . . . puluso kaufela i ku Yena, mi hakuna mukwa usili nihanyinyani omukona kutaha ka ona kakuli ha ki ka misebezi, ka kuikopanya kwa keleke, kamba ki sikamañi seo kaufela; mu lukela kutaha ka lisila le li fubelu leo, yena Muliululi yani, Muliululi wa mwa lubasi yani.

Ku lukile, cwale yetatama ki yeo:

71. Likai limpo . . . Ki limpo mañi ze lukela ku lumiwa kuama lifu la lipaki zepeli za Sinulo 11?

Oh, Muzwale Palmer, haiba haukoni kubuza lipuzo zeñwi!

711 Cwale, puluso, mihala ye fa, ona lisila le li lepelela le, lu bona kuli italusa puluso.

712 Cwale puzo yetatama ki ye:

Mpo ki ifi mwa Sinulo 11?

713 Kuna ni nako yetaha . . . Cwale uka alaba puzo yene alabilwe busihu bobuñwi, za na ñozi mulikana ka wa mukutazi ka za Majuda, mo ne li ka bela.

714 Cwale Majuda baa bana ni myaha yemilalu ni licika ye sepisizwe ku bona. Ki ba bakai baba ziba cwalo? Lisunda ze mashumi asupa ne li sepisizwe. Ali, “Mesa u ka taha mi abulaiwe fahali hali.” Myaha ye milalu ni licika Kreste a kutaza, a bulaiwa mwahala myana yemilalu ni licika, myaha ye milalu ni likweli ze silezi A kutaza.

715 Mi cwale aswabisa a tisa manyando, ba—ba moslem ba Omar ne ba beilwe mwa Sibaka Sesikenile; sina Mulimu mwa na bulelezi, myaha ye mianda ye twenti faifi li si ka ezahala kale, ne ika yema kulo fani. Mupolofita na li boni, mi ha li bona, abulela kuli, “Ba ka . . .Bamacaba ne ba ka ba mwa sibaka kufitela linako za Bamacaba li felelela hande.”

716 Cwale ku sa na ni myaha ye milalu ni licika ye sa sepisizwe. Haiba mu lemuha, lipaki za Sinulo 11 ze lipolofita ka mazazi a sikiti, mazazi a mianda yemibeli ni mashumi a silezi; ka kulikanelela hande ki myaha ye milalu ni licika. Cwale . . .mi nebali mwa litino za masaka. Cwale, amubone bulumiwa bwa bona, seo bali sona. Cwale, lipaki zepeli ze za bulaiwa.

717 Cwale, ba . . .Ba kutela kwa Majuda kasamulaho wa Kuungelwa kwa Keleke ya Bamacaba. Keleke ya Bamacaba iya kwa Hae kwa Mulalelo wa Linyalo, mi sina Rebekah mwa na iselizwe mwa sibaka sa Abrahamama ni Isaka mi teñi kwaba linyalo. Mi Rebekah ni Isaka ba ba ni lika kaufela za na luwile Abrahamama ka kutala, kaufela zona za ya ku Isaka. Kiniti! Mi ne li si ka taha ku Isaka konji pili Isaka ha sa nyezi. Oh Haleluya! Ki fo he cwale.

718 Mi Kreste aba . . .Mulimu upila mwa kupetahala kwani, mubili o natilwe hahulu kamita ni mwa Kuyakuile kaufela. Ngunyana ni Munyaliwa ha se ba nyalani mwa Lihalimu, u zamaya mwa mutalelela o kwanile. Kiniti! Isaka ni Rebekah ba taha mwa bufumu bo butezi.

719 Mi cwale mukiti o ha unzo ezahala mwa Lihalimu, wa Munyaliwa, Munyaliwa wa Bamacaba u nyalwa ku Nabi (Mwana Mulimu), mwa Kanya; habanze ba nyalana cwalo, kuna ni myaha ye milalu ni licika ye ezahala hakunze kuna . . . Mushe ni Elia . . .

720 Ili, Mushe mane na siyo . . . batili, mubili wa hae no bulukilwe kusili. Mangeloi na mungile, na si ka sinyeha, na si ka bola. Na li mufuta o petehile wa Kreste. A shwa mi Mangeloi a munga, mi mane nihaiba diabulosi ha zibi kwa na pumbekilwe, mane alika kuhohana ni Mikaele yena Nduna wa mangeloi ka za kupumbekwa kwa hae. Kona se i bulezi Bibebe. Mulimu amu isa mwa Kuungelwa.

721 Mi Elia, ha na zamaya kwani, ali mupolofita wa Mulimu, aya kwa Jordani, atubula kubo ya hae ni kuinata fa mezi, mi

aikaba kwa silyo ni nzohoto. A zamaya fa lilundu. Elisha ali . . . Ali, “Kiñi ha u ni latelela?”

722 Mi ali, “Ni bata likalulo zepeli za Moya wa hao.”

723 Ali, “U kupile nto yetata, kono ha u ka Ni bona inge Ni ya.” A zwelapili ku mu ndwandukela.

724 Mi kasamulaho nyana, kuzwa kwa Lihalimu kwa taha koloji ya mulilo ni Mangeloi a mulilo, limbongolo za mulilo, mi Elia apahama ni kuya mwa Kanya. Na si ka tatuba lifu, na shimbuluzwi, una ni kushwa!

725 Mi haiba mu lemuhu bapolofita bababeli baa ba Sinulo 11, baeza lika zeswana luli za na ezize Mushe ni Elia. Mu li, “Muzwale Branham, kikuli utalusa kuli Elia ni Mushe ba sa pila?” Kiniti!

726 Kiñi, Lilundu la Petuho lisika taha kale. . . Fa Lilundu la Petuho, Jesu a si kaya kale kwa Kalvari, ne ku yemi bo Mushe ni Elia bayemi inge ba ambola ni Yena. Kiniti, ne ba ezize, ha ba si ka shwa. Mi bali kuba ba shwe; ki mibili ye sa shwi, ba lukela ku shwa. Konakuli bainzi mwa buino bo bu filwe kanya mi ba libelezi nako yani.

727 Mi cwale ha ba kuta ni kukutaza handende ka lilimo zetalu ni licika mwatasa tozo ya Kolobezo ya Moya o Kenile, foo limbuyoti ha li zwiswa ku Bamacaba (mi ni Keleke iingelwa mwahalimu); mi ye bata, keleke ya sihalihali ika nyandiswa sina linja, ka ba za swalisano ni mukiti wa Maroma, mi ha ba nyandiswa ni kubulaiwa. Baka—baka bulaiwa ka nako yani; bapolofita ba baka kutaza myaha ye milalu ni licika, mi Bibebe ibulezi kuli ne ba bulailwe mwa. . . mukwakwa o mutuna, mo ubizezwa ka moya, Sodoma ni Egepita, koo Mulena luna na kokotezwi. Kwani ki kwa Jerusalem; mwabona, kafoo mwa Jerusalem, mo ibizezwa ka moya.

728 Mi ba lobala mwa mikwakwa ka mazazi amalalu ni masihu. Mi cwale kwa mafelelezo a myaha ye milalu ni licika mazazi, moya wa bupilo wa taha ku bona mi ba zuha. Nebana ni kushwa sina batu babañwi kaufela, nebana ni kuba cwalo. Mi ha ba to bulaya bapolofita bababeli bani. . .

729 Ba kutaza kunyaza bumaswe, mi ba tisa mulilo kuzwa kwa lihalimu. Ki bafi bene ba ezize zeo? Mwabona? Ba tisa likoto za lihalimu, ni kunata lifasi kapili sina. . . ni ka nako kaufela yene ba bata kueza cwalo. Mi ba tisa mulilo kuzwa kwa lihalimu. Mi ba tuhelisa mahalimu kuli asike a nela, kuya fela mo ne ba batela. Yani neli mañi? Kaniti neli Mushe ni Elia. Mi ki zeo lipaki zepeli.

730 Mi ha ba nyandisa keleke, kamba lifasi, ka kukutaza kwa bona; ni kuamuhela Majuda mwatani, ni ku ba kutiseza kwa kubaka, ku ba kutiseza kwa kulumela. . . Ha ba bona Jesu ha tahela Munyaliwa, ba ka li, “Amubone, yo ki yena Mulimu wa

luna yo lubile lu libelezi. Yani ki Yena!” Kono Ha taheli bona; u tahela Munyaliwa wa Hae. Mi Munyaliwa wa Hae. . .

731 Fani Josefa hanaya kwa Egepita, na si ka lwala bana ba habo yena kwani, kono a nga munyaliwa kwani. Kiniti! Kono ha na ti lo itibahaza kwa mizwale ba hae, nekusina mutu yana liteni. Yeo ki niti luli. Mi cwale Ha itibahaza Iliyena kwa Majuda ba, hakuna kuba usili kwani kwanda Majuda. Bao ki bona bene ba bulaile Josefa, inge a yemi fani; mi ki hali, “Kihande, Kina Josefa, munyana mina.” Mi a lila.

732 Mi se bali, “Cwale luziba kuli lukeni mwa butata ka zona, kakuli ne lu mu bulaile.”

733 Nto yeswana, Majuda bani ba kaba ni nako yetuna ya butata asika taha kale cwale, manyando kona aka ba lelekela mwa naha yabona. Ne li ba kashelize teñi sina lingu ha li kutela kwa Lilundu la Karmele.

734 Mi Mulena Jesu ha ka tela Munyaliwa wa Hae, mi ba Mubone, ba ka li, “Yo ki Yena yelubile lu libelela, ki yani fani!” Uka zuha ni foliso mwa mafufa a Hae. Yeo ki niti.

735 Mi keleke, bo masiyaleti ba Majuda, ha ba ka bulaya bapolofita bababeli bao, mi ba lobale mwa mukwakwa ka moya ye bizwa kuli Sodoma ni Egepita, koo Mulena luna na kokotezwi, ba lumanela limpo ku mañi ni mañi (lifasi liezanga ona cwalo).

736 Cwale, Muzwale Palmer, kifo he cwale. Talima kwa litaba za kale za Maroma mi uka fumana kuli kuna ni fela naha iliñwi mwa lifasi kaufela yekile yaluma limpo kwa ndwa, yani ki Ndwa ya Maroma.

737 Ki kabakaleo ha Ni li antikreste i zwile kwa Rome. Sibatana si zwa mwa Rome, hasikoni kuzwa kwa Moscow. Si zwelela kwa Rome, dragoni yefubelu yene yemi fapila musali kuli ibulaye Mwana Ha sa pepwa fela. Diabulosi yani, diabulosi yani nali kai? Neli mañi yani? Ki Caesar Augustus ya na tulo bulaya bana kaufela babanyinyani kukalela fa lilimo zepeli kutaha mwatasi. Dragoni ye fubelu, dragoni, *sibatana* sitalusa “mata.” Puso ya Siroma ya nyandisa ni kulika kufumana Mwana yani Kreste.

738 Mi ona nto yeswana ye! Nako kaufela yeo Maroma, Maroma bakale ba sihedeni neba banga ni tulo yetuna, ne ba lumanga macwe a masweu ni lika zeñwi kaufela ku mañi ni mañi, kakuba limpo cwalo, kuba likupuzo. Kona kuli macwe ani nali. . . Seo ne sili sona, neli limpo zenyinyani ze ne lumelwa mwahala keleke ya Maroma. Kiniti! Kicono. Li na ni kuba ona cwalo.

739 Ne ni yemi mwa Muleneñi wa Vatican wani ni Bibebe. Pope inga tinile mushukwe wa lisupo zetaalu, *Vicarivs Filiu Dei*, kaufela lika ze Ni utwile fateni ni zeñwi cwalo, ki yona niti luli; sikwata sa bulapeli se si busa naha kaufela mwatasa Lihalimu, mi kona cwalo. Ki zeo foo, kona cwalo.

⁷⁴⁰ Hakuna se ni nyaza ka sicaba sa Katolika (batili, sha), ki batu babande fela sina mutu kaufela, kono bulapeli bwa bona bu fosahalile kuy aka Bibebe ye. Haiba nji Bibebe ye ilukile, ba latehile. Ba bulela kuli ha ba. . . “Ha kuna taba ka se ibulela Bibebe, kona se ibulela keleke.” Lu lumela kuli Bibebe ibulela ka mata amatuna! Kiniti, ki Linzwi la Mulimu.

⁷⁴¹ Kona kuli mwabona foo, macwe ana lumilwe ka nako yani, a mwa Sinulo mo, kona—kona macwe anali limpo ze ne lumwzwi ku mutu ni mutu. Ze bonisa fela kuli. . . Bibebe ibulezi kuli, Sinulo yeo fa, ili, “Yana ni butali abale nombolo ya sibatana. Yana ni butali aeze sa *kuli-ni-kuli*. Yana ni moya wa limpo za kuli aeze sa *kuli-ni-kuli*.” Mwabona keleke mo imbwinjeza lika?

⁷⁴² Mucaha yomuñwi u ni buzize kakusasana kacenu ka za limpo, ka za kubulela ka malimi. Mutangana yomunyinyani, ya sepahala luli, Ni lumela kuli ulukela kuba mukutazi leliñwi la mazazi aa. Mi ka za keleke, se Nili, “Kuna ni zeñata hahulu za zona zeli mwa nama fela. Ha lu lati ze cwalo, kono lu bata sika sa niti. Lu lakaza kuba ni sona.”

⁷⁴³ Ha u koni ku li luta mwa keleke; taba yapili mwa ziba, ku ba, ni yana ni lulimo, yomuñwi una ni pina, mi una ni kulwanisa katata nto yateni hande. Kono haiba Mulimu ufile mpo ka buicemeli bwa hae, ika i ponahalisa ili yona. Yeo ki niti. Mwabona, zeo ki limpo za Mulimu, zeo kona Za lumezi kwa Keleke kuli ikome.

⁷⁴⁴ Cwale, antikreste una ni nto yeswana sina zenyinyani ni zetuna, una ni—ni—ni nzila ye lyangani mwa ku ezeza lika. Mi yani k impi ya Maroma ye lumanela limpo ku mutu ni mutu, limpo za nama. Mulimu ulumanga limpo za moya kwa bakomi; Maroma ba luma limpo za nama ku mañi ni mañi.

⁷⁴⁵ Lu lumela kuli Moya o Kenile ki Moya, lu U amuhela ka kolobezo ye zwelela kwa Lihalimu.

⁷⁴⁶ Kelekeya Katolika iluta kuli, “Silalu se si kenile ili mubili wa Krete; kuli ha u amuhela sinkwa se ni mulao o pahami, ki *ona* Moya o Kenile, ki Moya o Kenile, ili silalu se si kenile.” Mwabona?

⁷⁴⁷ Luna lu lumela kuli ki siemba sa sinkwa, ha lu lumeli kuli ki mubili tenyene wa Krete, (lu libelezi ku uca mwa mizuzu yelikani). Lu lumela kuli uyemela mubili wa Krete. Kono ha ki wona. . .

⁷⁴⁸ Yeo kona shutano mwahala Katolika ni tuto ya Baipanguli. Mwabona? Keleke ya Katolika ibulela kuli, “Mubili ki. . . Sinkwa sani *kona* mubili tenyene luli. Keleke ina ni mata a ku cinca se.” Kana mukile mwabona mu Katolika ha fita bukafu ni keleke, una ni kuina, kubonisa sifapahano? Mi kakuli liseli nyana lani la tuka mwa keleke mwahali a tabernakele nyana yani. Kubanga liseli nyana mwani, mi ni sinkwa se sikenile sani si beiwanga teñi mwani. “Mi wani kona mubili wa Krete. Mi ha

mu ca sani, muca mubili tenyene wa Kreste fa mulalelo wa mina wa pili ni kuipulela kwa libi za mina ni zeñwi cwalo. Mu sweli kuca, tenyene, ona mubili luli wa Kreste.”

⁷⁴⁹ Luna lu bulela kuli u *yemela* fela mubili wa Kreste, mwabona, kuli ha ki sika sifi kaufela mwa lifasi kwanda siemba fela sa sinkwa. Mi hakuna taba haiba ne si sinkwa, haiba neikaba sika kaufela, neilukela kutalusa nto yeswana. Fela—fela ona cwalo luli. Kamba bana ni . . .

⁷⁵⁰ Sina sicaba se mo si bulelela, “Ha ni koni ku kolobezwa mwa lisa, Ni bata ku kolobezwa mwa nuka.”

⁷⁵¹ Ki shutano mañi ye li ku zona, haibile fela u kolobelizwe? Haiba ki mwa lisa, ni . . .Kiñi, Filipi na kolobelizwe mwa nuka . . .fani nduna ha na kolobelizwe. Mi Filipi ha kolobeza nduna mwa lisa, Moya o Kenile wa munga kuli mane A nga Filipi ku muisa kusili, na si ka bonwa mwahala limaili ze mianda yemibeli. A mu swala mwa Moya, ku mufa ko—koloi yezwa mwa Lihalimu ka limaili ze mianda yemibeli. Amen. Kihande!

Cwale:

Babakenile bakaba kai kasamulaho wa puso ya myaha ye sikiti? Mi ki mufuta wa mibili yecwani ye bakaba ni yona? Ni ka kutela ku seo fa nako nyana. [Muzwale Branham u alaba puso ye kukalela fa paragirafu 820, kakuba puso ya bu 74—Mu.] Ba kaba ni Jesu.

⁷⁵² Ku lukile, yabu—yabu puso ya busebene:

72. Lu ka atula cwani mangeloi?

⁷⁵³ Seo si fumaneha mwa . . .Lu ka atula cwani mangeloi? Ka kuba bana ba bashimani ni basizana ba Mulimu. Mangeloi ki batanga; luna lu bana ba bashimani ni basizana ba Mulimu. Mi Bibele ibulela kuli lu ka atula mangeloi. Yeo ki niti. Cwale, cwale haiba mina . . .

Puzo yabu 8:

73. Ki kabakalañi milili haiba ya mangeloi mwa Makorinte Bapili?

⁷⁵⁴ Cwale yomumu ani apulele Makorinte, mwa—mwa kauhanyo ya 11, mi lu ka bona mwateni, kuli mu ka ziba kuli mwa—mwa . . .Mwa Makorinte Bapili, ka—ka kauhanyo ya 11, lu fumana kuli Paulusi wa bulela. Ha lu boneñi ni apule ku yona fa muzuzu fela, mi lu ka ibala kapili kona luka—luka ishetumuna.

⁷⁵⁵ Nina ni sa ku bulela fa timana yeñwi ye faa, yeo Ni sepa kuli Mulena uka lufa yona mo ilukela kubela. Haiba yomuñwi aifumana . . .Ni sepa kuli ki kauhanyo ya 11, eehe, ku lukile. Cwale muteeleze hande, ka swanelo luli, kuli mu utwisise. Cwale munge lizwalo la mina kaufela ni kulibeya mwa pokoto ya kanolobaki ka mina kufitela Ni feza ku ibala, mwa bona,

nibulele ku Lona. Muteeleze ka tokomelo luli, se KISONA SA BULELA MULENA:

Mu ni likanyise, sina ha Ni. . . ha ni likanyisa Kreste.
(Paulusi naize, “Mu ni likanyise, sina ha Ni likanyisa Kreste.”)

Cwale Na mi lumba, bana bahesu, kuli muni hupule mwa linto kamukana, ni kubulula litaelo, sina ha Ni mi tiselize. . . zona.

Kono Ni tabela kuli mu zibe, kuli toho ya muuna kaufela ki Kreste; mi toho ya musali kaufela ki muuna; mi toho ya Kreste ki Mulimu.

756 Mwabona mo lienzi nji? Mulimu, Kreste, muuna, musali. Cwale:

Muuna kaufela ya lapela kamba kupolofita, ni toho ye apesizwe, ushubula Kreste.

Kono musali kaufela ya lapela kamba kupolofita inza ikapesize kwa toho ushubula toho ya hae: . . .

757 Cwale lufite kuyona fa nako nyana, ni ku mi bonisa kuli milili ya musali kona ki sapalo sa hae:

. . . ka seo. . . mane kuswana fela sina ya kukuzi milili.
(Seo sitalusa kuli inge kuli u—inge kuli u kutile milili ya hae, ni ku ikukula kaufela.)

Kakuli haiba musali asika apala kwa toho, konakuli a beulwe: (kubelwa kotalusa ku kukula milili, mwabona). . . kono haiba ki maswabisa kuli musali abeule milili, ha apese kwa toho.

758 Cwale lu ya lu shetumukela kwa puzo ye mu sweli kubuza cwale. Mwabona? Ku lukile, cwale ku fosahalile kuli mu—mu musali a beule milili ya hae, kuya ka Bibe. Cwale ha muteeleze hande ni kubona haiba Bibe ha i lumelezi muuna kuli alukulule musala hae ha Beula milili, mubone haiba se ha si lukile kamba kutokwa.

Haiba muuna. . . Kakuli muuna kaniti ulukela ku apesa toho ya hae (fo ki kuli, abe ni milili yemitelele), kakuli hali mwa sibupeho ni mwa kanya ya Mulimu: kono musali u mwa kanya ya muuna. (Mukile mwa nahana zeo?)

759 Cwale Ni bata kuyemela foo, kakuli Ni bata kulin taba ye inwele hande, mwabona. Mi cwale a muhupule, Ni boni likiti kiti za mashumi a basali babande (na ba ziba cwale, mane babañata bateni mwa kekeke yee) babana ni milili yemikuswani, babali Bakreste. Mi se Ni bulela ka sona ha ki mina, ki mo mu lutezwi. Mwabona? Kona cwalo. Mukutazi wa hao na si ka kubulelela fateni zeo. Kono haiba ufi kaufela wa basali ba mwa tabernakele

aba ya cwalo, kona kuli una ni mulatu. Mwabona, kakuli luli lwa ba bulelelanga ka zona.

760 Cwale, cwale mutalime taba ye:

... muuna ya... Kakuli... (timana ya 7)... Kakuli haiba muuna...

761 Cwale, ki mañi yabulela faa? Cwale, nako yeñwi kalibe cwana na bulezi kuli, "Oh, Paulusi na toile fela basali."

762 Kihande, cwale halunze luli fa taba yeo, ha lu apuleni mwa Magalata 1:8, ni kubona sa bulela Paulusi ka taba yee, mwabona, mwa Magalata 1:8. Mu ka fumana kuli Paulusi ubulezi cwalo mo mwa Magalata 1:8:

... niha ne ikaba luna, kamba lingeloi le li zwa kwa lihalimu, likutaze evangeli isili kufita ye mu se mu utwile kale, abe anatema.

763 Cwale musike mwa ni nyaza, mu nyaze Yena, mwabona.

Kakuli muuna luli uswanela ku apesa toho ya hae, kakuli u mwa kanya ya sibupeho sa Mulimu: kono musali u mwa kanya ni sibupeho sa muuna.

764 Cwale mutalime timana yetatama:

Kakuli muuna ha si wa musali; kono musali ki wa muuna.

Nihaiba muuna ku ezezwa musali; kono musali u ezelizwe muuna.

765 Cwale, Ni talusa se cwale ka lilato la niti ni bunde, mi Ni sepa kuli mwa si utwisisa ka nzila yeswana mo Ni si bulelela. Kono America... Ka kuba muzamai ya potelanga linaha za kwahule, America ina ni milao yeñwi ye bonahala kutotobela hahulu, ya basali ba bona hala lifasi. Paris, France ikona kufita fahule hahulu ka kulenda kufita America mo ituhelela bahame ba yona mo ba ezeza. Ki maswabisa!

766 Kana mulemuhile kuli mulimu wa America ki musali? Nakona kubonisa zeo ku mina ka Bibe. Yeo ki niti. Kana mwa ziba kuli li na ni kutaha ka nzila yeo kuli keleke ya Katolika ikona kutisa tuto ya yona ya mwalanjo Maria?

767 Cwale, haiba nji musali na si ka ezezwa muuna, isiñi... Haiba muuna na si ka ezezwa musali, kono ki musali yana ezelizwe muuna, kona kuli uka lapela cwani musali? Mwabona? Cwale, neli sikamañi, ne li kalezi mwa Paris ni ku yo punya mwa Hollywood. Cwale Paris ina ni kutaha kwa Hollywood ku to nga kwateni mikwa ya bona ni mitinelo ni lika zeñwi, ki kusinyeha kwa bahame ba America ya luna.

768 Ki sikamañi seo? Naha yaluna itile mwatasi hahulu kuli mane ingile misebezi ku amuha baana, ni kuleleka basali kuzwa mwa libaka ze, kufitela mane nanite pesenti ya bona, buñata, ki mahule. Ni kubulela ka baana ha ba icongile, luli, ki kuli bana

ni basali mwa misebezi yabona mwani. Mi ba totobezi hahulu kufitela ba beya basali bababeli kuba bapolisa fa mukwakwa. Ao ki maswabisa kwa naha kaufela! Eeni, sha. Mu ka eza sikamañi ka zeo?

⁷⁶⁹ “Mu eza sikamañi sa zeo, Muzwale Branham?” Ni na ni ku kuteka zeo, Na ni mutu wa mu American, Ni eza sa bulela nduna yomutuna. Haiba Ni kona ni ka muta . . . Haiba mu—haiba lubasi lu latehelwa ki likute kwa lubasi (bana ba latehelwa ki likute kwa bashemi ba bona), lubasi loo lu ikabile fahali mwa liembaemba. Haiba mu—haiba keleke ikona ku latehelwa ki likute la mulisana wa bona, keleke yeo i icongile. Mi haiba naha ilatehelwa ki likute la yona kwa kuta yetuna ni buiketelo bwa yona, naha yeo ikabile mwa liembaemba. Yeo ki niti luli. Lu lukela kukuteka lika zeo kukuli batu bani ki bona malena ba babusa, mwabona. Kono haiba ha li si ka luka kuzwa kwa makalelo. Kiniti!

⁷⁷⁰ Kana mwa ziba kuli muuna mwa Bibebe . . . mwa Genese, kauhanyo ya 1, fani Mulimu ha bupa musali ni—ni muuna, mi abupa muuna ni musali, mi Mulimu abulelela Eva kuli “muuna hao uka ku busa, abe mubusi wa hao”? Ulike ku bulela zeo mwa America mi u bone ko ka isiwa! Mushimani, ha ki zeo, musali ubusa muuna; bana ni kueza cwalo, libaka za mibebeke litezi ni kufufula . . .

⁷⁷¹ Na kona kutisa basali, haiba Ne ni ka eza cwalo, mwa musiyoo waka mwani, buñata ñata luli, ba ba ishuwile basali bateni . . . Ha ni buleli kuli basali kaufela ha ba lukeli kusebeza; mwendi bana ni muuna bona ya kula kamba nto yeñwi, mi bana ni kusebeza. Kono haiba ha ba lukeli kusebeza, ha ba lukeli kueza cwalo. Sibaka sa bona ki mwa lapa, kashandi nyana ka bona, kwani luli kona ko ba lukela kufumanehanga.

⁷⁷² Mi basali ba luna ba ma American bana ni tukelo ya kuya kwa kuca likulube ni kushwa. Mane nihaiba mwahala lifolofolo ni zeñwi cwalo, mi taba yeo ha i ka petahala, inga sibaka ni ku sinyeleza sibaka sa yona kaufela.

⁷⁷³ Kuna ni nyunywani ye likani mwa Africa, mi ki nyunywani yende yenyinyani.

⁷⁷⁴ Cwale, hañata, ya nasikuku kiyona ye maswe hahulu mwahala zona zepeli. Za mikimbwe kona zende hahulu, puti ya muuna, kwalata ya poho, kokomu ya poho, kuhu ya—ya mukombwe, mi kamita ki yona yende hahulu . . . Kakuli, ya nasikuku kona nyunywani ya mwa lapa ye latwa. Iina fa siyaletu sa yona, iselisa tuzwinyani twa yona. Ya ipata kwa maankoli, kwa noha, kwa kangamba, kaufela zeo lili zona, mwabona, kuli iselise tuzwinyani twa yona.

⁷⁷⁵ Kono mwa lusika mo ku na ni . . . kamba mwa kalulo ya—ya—ya musali, kamba ya musali, u ifitelezi mwa bunde, kamita ki mufuta o kutiseza mwa mulaho. Mwa Africa, munge

nyunywani. . . Kuna ni nyunywani yenyinyani kwani, mi ki inosi fela mwa lifasi la babansu ye Ni ziba, kuli ya musali ki yona yende hahulu kufita ya muuna. Mi cwale haeza. . . Ki—ki nyunywani yani yeli lihule kamita. Ika fita kwa ni kwa kufumana ya muuna, ni kumata ku yo beya libunda la mai hase ikopani ni mukombwe usili, mi isiya yeñwi yali kuina fa mai hainze iyo bata bata ya muuna hape. Yeo luli ki niti. Mwabona? Mwabona se Ni talusa?

776 Mwa, cwale amutalime, mwa America kacenu, ba basali ba luna. Mucaha kaufela yazwa kwa Kentucky na ni bulelezi, mazazi alikani afitile kwa mulaho, kuti nekuna ni basali baba mianda ye ketalizoho ka ye milalu bene ba beleka mwa sibaka sesiñwi mwa Kentucky moo. Mi ki hali, “Ne ni ka ikutwa kulukuluha ka kualaba kuli babakuma fa mianda yemine mwahala bona ki mahule fela ba mwa mikwakwa, ni basali babanyezi babana ni bana.” Mucaha yomuñwi na isize musala hae kwani ku yo beleka ni katengo kakamu, mi a bata ku mu bulaya. Mi yomuñwi a yo kunupa muuna. Mi yomuñwi inza lwana ni kuipazaula. Zeo ha li lukeli kuba cwalo. Zeo ha li si ka luka.

777 Mubeye musali aine kwa mulaho mwa situngu kona . mwa swanela kufumaneha, mi lika kaufela likaba fela hande. Kono ha mu mubeya kwande kwani mwa misebezi ya sicaba, kipeto wa sinyeha. Kin- . . . Ha ni buleli kuli . . .

778 Basali ba ma American ba nanulela lingo zabona mwahalimu ni kubulela kuli, “Hakuna sesiñwi ku Zona.” Mi, “Mu ni bonise.” Kiniti, u lukela kueza cwalo, kakuli Bibele ibulezi kuli mu ka li eza. Muna ni kueza cwalo.

779 Mi kwanu hane. . . Ne ibanga kuli, seli kale kale koo, mwa keleke ya Methodist, haiba musali ubeula milili ya hae, na lelekwa mwa keleke. Kiniti, ne ba eza ona cwalo. Eeni, kicona. Ba Nazarene, Pilgrim Holiness, ma Pentekota, kaufela bona ba lukela kueza cwalo. Ki sikamañi se si ezahalile?

780 Mwa ziba libaka kana? Mubeya basali fa katala. Yeo luli ki niti. Mutu u saba tiketi ya hae ya sico. . . usaba kuli mu ka mu leleka mwa kopano, ku mu leleka mwa keleke. Nebasina mayemo luli a kuitiisa kuyema, kuyema fa Linzwi la Mulimu kamba La holofaza kamba ha Li holofazi. Yeo luli ki niti.

781 Muteeleze kwanu, muuna ki yena mubusisi. U sike mwa nahana kuli uka busa ndu. Ha ki wena mubusisi wa ndu. Wena kaniti u. . . Ha u mutanga cwale, kono u mutusi. Mi Adama. . . Muuna ki yena yana ni mata fahalimwa musala hae, mi una ni kuba ni pabalelo yetuna luli ku musala hae. Mulimu uka yo zekisa muuna ka musala hae. Cwale, mubale mi mubone haiba Mulimu ubulela cwalo cwale.

Kakuli muuna kaniti una ni ku apesa kwa toho ya hae, kakuli hali mwa sibupeho ni kanya ya Mulimu. . . .

782 Mulimu ha ki musali, Mulimu ki Muuna. Mwa ziba mo ba ezeza Maria wa mwalanjo ni zeñwi zeo kaufela, mi ni mwa . . . kamba kueza milapelo ni lika zeñwi kaufela ze cwalo, ni kulapela ku Maria mwalanjo, mwa ziba ze li ni hupulisa litaba zeo? Diana mulimu ymutuna wa musali, ya na kalimezwi ki Paulusi ni ku lelekiwa. Yeo ki niti. Ki hali, “Kiñi, Mulimu ha ki musali!”

783 Licwe neli wezi mwa simu, mi ba bulela kuli mulimu wa musali ki yena yana na wiselize fafasi siswaniso sa bona, ki kabakaleo basali kwa Korinte, mi kulo kwani, kone . . . ba lapela Diana, ne ba bata kuba bakutazi.

784 Ne baize, “Kiñi, moya u lu bulelezi kuli lu kutazange.”

785 Ki hali, “Sikamañi? Kana Linzwi la Mulimu litahile ka mina, mi kana li zwile fela ku mina? Haiba mutu u ipona kuli una ni moya kamba ki mupolofita, ha zibe kuli ze Ni bulela ki litaelo za Mulena: musali a kuze mi abe ka likute mwa keleke, kuli asike a luta kamba kuhatelela baba busa.” Yeo ki niti! Seo kona sa bulela Mañolo. Mwabona? Mi Mulimu uka eza kuli sikwata tuna sa bakutazi ba yo ikalabela zeo ka Lizazi la Katulo.

786 Kihande, amuteeleze! Mu li, “Kihande, Na mi bulelela, Ne ni lutilwe cwalo.” Mwa ziba hande cwale! Yeo ki niti. Haiba wena kamba mutu yomuñwi ukala kunwa mulyani, mi yomuñwi u ku bulelela kuli ki sifanu, mi wena—mi wena uzwelapili ku unwa kupale kumane, kipeto wo ki mulatu wa hao ka zona. Mwabona?

787 Cwale amuteeleze ku se:

Kakuli muuna ha ki wa musali; kono musali ki wa muuna.

Ki kabakaleo musali ha lukela kuba ni mata kwa toho ya hae bakeñisa mangeloi.

788 Kuna ni yasweli kubala nji? Makorinte Bapili, kauhanyo ya 11, ni timana ya 10. Haiba mu lemuha, “mata,” (Kiñi?) “a mangeloi,” Makorinte Bapili, kakuli mangeloi ki muuna, yena mulumiwa. Amutalime, ki taku yenyinyani ya “l” hape. Ko ku taha Mangeloi, a Mangeloi Lihalimu, ki taku yetuna ya “L,” taku yetuna ya “L.” Fo kuna ni taku yenyinyani ya “l,” ki mangeloi a batu.

Konohe hakuna nahaiba muuna . . . kamba musali, . . . nahaiba musali kusina muuna—muuna, ku Mulena.

Kakuli sina musali hali wa muuna, ni yena muuna uina ka musali; . . . lika kaufela ki za Mulimu.

Muikatule . . . ili mina: kana ki swanelo kuli musali a lapele ku Mulimu (ni milili yemikuswani) asika ikapesa? (munahane ka zeo cwale)

789 Cwale amutalime:

Kikuli nihaiba za taho ha li mi luti, kuli, haiba muuna una ni milili yemitelele, . . .

790 Ili, “Ne i tamahana kwa sikamañi?” Milili. Kana ha muboni sa sweli kubulela Paulusi nji? Milili, milili yemitelele! Haiba . . . Musali ulukela kuba ni milili yemitelele. Timana ya 14 cwale:

Kikuli nihaiba za taho ha li mi luti, kuli, haiba muuna una ni milili yemitelele, ki maswabisa ku yena?

791 Mwa utwa nji? Ki maswabisa kuli muuna abe ni milili yemitelele, kono musal- . . . seo ki sibaka sa musali. Mulimu na bupile muuna ka kushutana ni musali, sibupeho ni mibonahalelo, ni lika zeñwi kaufela. Ha lukeli kutina sapalo . . . Bibebe ibulezi kuli “Haiba musali ukona kutina malukwe kamba sapalo kaufela se si swanela kuba sa muuna, ki kushandauka ni masila ni busafa fapila Mulimu.” Mi Mulimu uka mu atulela zona. Ki mañi ye mu ka teezeza? Kono ye ki Bibebe!

792 Mi mumata mata ni kubulela kuli, “Kiñi, Ni sepa kuli ki nto yende ku . . . bona basali ha ba tina malukwe.” Kono Mulimu u ba ezize ka kushutana, U bata kuli ba apale ka kushutana.

793 Mi Bibebe iize, “Haiba musali aka apala sapalo se si lukela kuba sa muuna, ki maswabisa.” Mwa ziba *maswabisa* seo ali sona? Ki “nto ye masila mwa meeto a Mulimu.” Mi Mulimu Jehova yomutuna Ya talimela fafasi ku wena kakuba nto ye masila . . . Mi Bibebe ibulela kuli . . .

794 Mi wena ya bulela kuli . . . Babañwi ba mina likalibe cwale, kwa basizana ba mina babanyinyani baba mwa lilimo za bunca, eitini, mashumi amabeli a kupepwa cwalo, ku ba lumeleza inge ba matamata ni mitinelo ye cwalo!

795 Mi wena, hape, ima! Mwabona? Ha uzwela kwande inge utinile malukwe ao ni lika ze cwalo ni kupila . . . ni kuya fa mukwakwa, mi—mi ni kuba ni liapalo za kale ze ba panga mazazi aa, ni kueza kuli mubonahale inge lika lisilisili ze mu si zona. Mwabona? Mi mu zwela fa mukwakwa kwande kubonahala fela butanya, ukona kuba yasina mulatu mi ya kenile ku muuna hao ni lika zeñwi kaufela, kono haiba uzwela kwande mwa mukwakwa mi muuna a kutalimela kakuli u bonahala ka mukwa o cwalo, una ni mulatu, mi uka yo ikalabela ka Lizazi la Katulo ka kueza boozwa ni muuna kaufela yana ku talimile cwalo. Kona se ibulezi Bibebe.

796 Bibebe ibulezi kuli, “Yo kaufela ya talima musali ka ku mu lakaza, u sa mu bukile kale mwa pilu ya hae,” mi una ni mulatu mi uka . . .

797 U ka taha kwa katulo ni kubulela kuli, “Mulena, U ziba pilu yaka; Nali kuba ni eze boozwa, Ni pilile ka niti ku muuna ka.”

798 Kono kuka yema muuna fa, fa kukaba muuna yomuñwi, fa yomuñwi hape, yomuñwi, yomuñwi, lishumi ni babaketalizoho, mashumi amabeli, mashumi amalalu, mashumi amane abona ba

ka yema fani ni kubulela kuli, “Mulatu w kueza boozwa!” Kiñi? Muuna yomuñwi na ku talimile.

799 “Kihande, Ne ni sina sa kueza ni zona.” Kihande, kiñi ha no ka iponahaza cwalo? Kanti Mulimu na ku bulelezi kuli usike wa apala ze cwalo, neli maswabisa ka kueza cwalo, mi u yo teelesa kwa tukiso yakuli *Who Loves Susie?* Kamba ki sikamañi . . .

800 Kana mulemuhile se si ngile sibaka ka tukiso ya za *Who Loves Susie?* muuna hae? Kaufela mina muboni se si ezahalile linako nyana za kwa mulaho. Hane luli kwa Casper, Wyoming, za zwa. Mi ki yena mañi? Mucaha yani yana . . .ku yani yakuli *We Love Susie*, kamba ki sikamañi—ki sikamañi sani? Ki . . . Oh, ki sikamañi se mu kona kuinela kwa mandu la Bulalu busihu ni kupalelwa kutaha kwa mukopano wa milapelo. Ki sikamañi seo cwale? *We Love* . . .Ki libizo mañi la seo? [Kezeli uli, “*I Love Lucy*.”—Mu.] *I Love Lucy*, muuna hae u lukela ku . . .unata nata kafa, ba mu sweli kwani kwa Reno, Nevada, ni musizana yomunsu, na pila ni yena lilimo limo. Mi zeo kona ze muinela kwa malapa kuli mubone kufita kuya kwa, ku teelesa Evangeli. Musali na pakile cwalo. Oh, sishemo! Hakuna nto yekenile kwande a Jesu Kreste!

801 I fuyolwe pilu ya hao, muzwale, Ni—Ni ka ku bulelela wena—wena mucaha, babañwi ba bona . . . U ili, “Oh, mawi, mutalime fa sitopa.” Amañwi a—a manofu manofu amaswe luli o lunani, manofu, ki linyunywani zende. Hamukoni ku atula nyunywani ka mafufa a yona, mwabona. Konakuli muhupule fela cwalo. Oh, mawi!

802 Cwale mutalime:

Kikuli *nahaiba za taho ha li mi luti* . . . (yeo ki timana ya 14) . . . *ha li mi luti, kuli*, ki maswabisa kuli muuna abe ni milili yemitelele? (Yeo iswanela ku musali.)

Kono haiba musali una ni milili yemitelele, ki kanya ku yena: . . .

803 Cwale ki sikamañi sa sweli kubulela? Kuwani ye mutinanga mina sicaba sa keleke ya Katolika? Batili shaa! Ka kuwani nyana ka ka apesa kwa toho, ka kataulo? U bulela ka milili ya mina!

804 Cwale! Mi haiba musali ukuta milili ya hae, ukuta kwateni kanya ya hae, mi ha lumelezwi kwa katala kuli alapele. Mwabona, kona mo ibulelezi kulo fa, “Kana ki nto yende kuli musali alapeli ni toho ye ikapesize?” Ya bulela fa, kuli, “Kihande, ulukela kukuta milili ya hae.” Kona kuli a beulwe kakoloti. “Mi haiba u ka beulwa ka koloti,” ili, “ao ki maswabisa, ki maswabisa kuli musali aeze cwalo.” Mi ili, “U lukela ku apeswa.” Cwale, Ni na fela—Ni na fela—Ni na bala liñolo la Paulusi. Mina kaufela, kuitingile ku wena, mwabona.

Kono haiba musali aba ni milili yemitelele, ki kanya ku yena: kakuli milili ya hae ifilwe kuba sapalo.

805 Kana ibulezi kuli uka fiwa kuwani? Mina sicaba sa Katolika kamba mina sicaba sa Baipanguli, yomuñwi wa mina, mina mu ya nga kwa keleke ni kutabela kutinanga likuwani, muli, “Kihande, Ni ya kwa keleke, ulukela kutina kuwani.” Batili, mu likela kutuhela milili ya mina kuli ihule. Yeo kona shutano. Mwabona?

...kakuli milili ya hae ifilwe kuba sapalo. (Mi ki maswabisa kuli a kene mwa keleke kusina sapalo, kuya kwa aletare ku yo lapela.)

Kono haiba mutu u bonahala kuli—kuli una . . . (Ha ni lumeli kuli Na kona kubulela linzwi lateni, l-i-k-a-ñ- . . .). . . *Likañi—kukanana* (mwa ziba kukanana kuli ki sikamañi), *haluna mulao o cwalo, nihaiba mwa Keleke ya Mulimu.*

806 Cwale haiba mubata ku kanana ka zeo, mu kanane ni Zeo. Ku lukile, haiba mubata kuba ni likañi ka zona, “Oh, hakuna shutano ni yekana. Ha lu ba tuheleni ba zwelepili. Kiñi, Ni sepa kuli haki sesiñwi. Ni . . . Ha ki seo milili ili sona, nihakuli cwalo, ki seo pilu ili yona.” Ki niti; haiba pilu ilukile, milili ika luka ni yona (Uh-huh).

807 Muzwelepili, haiba mubata kuba ni likañi, Paulusi uize, “Haluna mulao o cwalo, ni ha ikaba Keleke ya Mulimu.” Naize, “Haiba ubata kuba kwa neku la Kaine, kihande, muzwelepili fela.” Kono Se kona sa na bulela Paulusi.

808 Oh, mi ha Ni talusi kuba ni lisheha, kakuli ha ki taba ye sehisa. Kono Na mi bulelela balikani, ki maswabisa kubona lika ze mo se li lumelezwa. Na . . .

809 Amuteeze! Ku mina, likezeli zaka zende, Ni bata kuli mu bonahalange hande ka makete luli, cwalo kona mo mu lukela kubela. Kona mo mu lukela kubela. U lukela kuba yomunde ni yomunca kuya ka mo kona kubela muuna hao ha taha, kuswana fela ni lizwabande la hao. Mi u lukela ku mu katanyeza fa munyako ni—ni ku mu tubeta ha munati sina mo ne kubezi ka lizazi ha u mu tubeta kwa katala kuli abe muuna hao. Yeo ki niti. Ha ni mi nyazi ka ku bonahala hande ni kuba ka bukwalu. Mi Ni bata kuli mube cwalo, Mulimu uziba kuli Na lata cwalo.

810 Kwanu nako yeñwi ya kale, Ne ni sweli ku ikambota ni Jack Shuler. Kuna ni yakile autwa fateni Jack Shuler? Mukutazi ya zibahala hahulu yebana ni Methodist. Ki ali, “Musali akile ataha mi ali. . . milili ya masila kaufela, inge a tafuna ncingamu, mi liapalo za hae ali licika mapunu, ali, ‘Wa ziba, muuna ka haana ku ni lumeleza ni hanyinyani.’”

811 Ki hali, “Ha ni mufi mulatu.”

812 Yeo ki niti. Cwale, kono so na ni kueza, ulukela kuba mwa nzila yende. Usike wa kopisa bunca bwa hao ni bunde kwa Hollywood, u li talime mwa Bibebe, fapila Mulimu. Ube kalibe

sakata, ube ni likezo za kalibe sakata, u apale sina kalibe sakata, ube ya kenile. Eza sina kalibe sakata, usike wa tina zeo. . .

813 Mi muuna kaufela ya lumeleza musala hae kuzwela fande inza tinile tuapalo to tu kama twani fapila baana, ni tunto to tunyinyani twa kale twani. . . u zwela fande fa lwanda ku yo ngwenjula patelo, ni lika zecwalo, muñaka, Na ku bulelela, muzwale! Ha ni—Ha ni talusi kuba, Ni. . . Mulimu u ziba kuli yeo kona pilu yaka. Kono Ni kaba ni ku. . . Ni ka lukela kucinca zeñata Ni si ka lumeleza musala ka kueza cwalo. Ni ka ba nduna fahalimwa lilundu lani haibile fela Ni kona, mwa bona; mi ha Ni sa koni, Ni ka zwa fateni. Yeo ki niti.

814 Oh, muzwale, ao ki maswabisa ni kutokwa likute kuli basali baeze cwalo. Mi Hani—Hani talusi kuli, kezeli. . . Ha—Ha ni mi nyanyifazi, Ni lika fela kubulela kuli. . . Keleke ya luna kwanu haiba wa membala, batu batahanga fela kwanu. Kono ye ki ndu ya Mulimu, mi luli lu bulelela sicaba kuli sisike sa tinanga lika ze cwalo. Kuli ki. . . mu ka ikalabela ka zona ka Lizazi la Katulo. Cwale mutalimele faa. Mi u tuhele milili ya hao kuli ihule ona cwalo, mwabona, mi ube kalibe sakata.

815 Cwale:

Cwale mwa taba ye kuna ni. . . Na mi bulelela kuli ha Ni mi lumbi, kakuli hamutaha hamoho kwa. . . ha ki kwa bunde, kono ki ka bumaswe.

Kakuli ka nako yapili, ha mu putehana hamoho mwa keeke, Ni utwa kuli kuna ni likauhano mvahala mina; ni zeñwi cwalo, . . . (izwelapili cwale ni kwa tafule ya mulalelo)

816 Cwale hamuteeleze ku Seo. Ki kabakaleo mangeloi ao. . .

817 Cwale, Muzwale Palmer, Ha ni ku buleleli fa tepu ye kuli ukutaze nto yeswana kulo kwani sina mo Ni kutaleza kwanu. Kono wa ziba hande mane ka swanelo, mi wena ka kuba mukutazi, u ziba kuli yeo ki Niti, muzwale. Ku lukile.

818 Kacwalo *mangeloi* fa ki “batu.” Haiba mu ilemuha, Muzwale Palmer, limwa taku yenyinyani, yakuli “mangeloi.” Mi Bibe izwelapili. . . U bulela ka za muuna ni musala hae, mwabona, seo kona tuto ili sona.

819 Cwalo kona batu mo ba filikanelanga ka Bibe, ba li, “Kihande, Mulimu ubulela nto iliñwi *fa*, ni yeñwi. . .” Batili, mu—mu zwile mwa tuto ye lukela. Mupile hane fa tuto yeswana, ku felile. U bulela ka muuna ni musala hae.

820 Cwale nto iliñwi fela ye Ni bata kubulela lu si ka kwala kale, ika ni tanda fela mizuzu yemibeli:

74. Kana ba bakenile bakaba kai kasamulaho wa puso ya myaha ye sikiti? Mi ki mubili wa mufuta mañi o ba kaba ni ona?

821 Ni sepa kuli ki puzo yemunati hahulu ku zona kaufela, Na lata fela cwalo. Cwale ha lu talimeni hande ku yona.

822 Kwa simuluho, Mulimu . . . Lu ka kutela kwa tuto ya luna ya Maheberu mwa mizuzu nyana fela. Mulimu neli yena yomutuna, liweluwelu lelituna la mibala ye supa. Ki ba bakai ba baziba cwalo? Mwabona? Mi ki ba bakai ba baziba kuli Mulimu una ni Mioya ye supa? Kiniti, Mioya ye supa. Mi nekuna ni meeto a supa ku ngunyana, ni zeñwi cwalo, kaufela zeo litaha hamoho cwale. Mwabona? Cwale, yani neli Mulimu.

823 Cwale ha Ne (yena Logos) izwile ku Mulimu, yeneli Mulimu yana zwa kwa liwweluwelu lelituna le kutaha mwa mubili wa mufuta wa—wa mutu; mi wa ezwa mwa lumonyi lwa Logos, o lu biza kuli mubili wa bungeloi.

824 Cwale, haiba munga mubili wa bungeloi ha lunze lu talima ku yona, yoo ki mutu. Cwale bakeñisa kuli lu sa . . . Cwale, fani kona fo ne luinzi kwa makalelo. Cwale, ha mu li utwisisi cwale, kono ne mu liteni kwa simuluho. Mutu ha na ezize . . . Mulimu ha bupa mutu ka siswaniso sa Hae, A mu eza ka mubili wa bungeloi. Mi A mu beya fela mwa nama . . . Mi Mulimu ha bupa mutu ka sibupeho sa Hae, ni ka kuswana kwa Hae, nebali mwa . . . Mwa Genese 2, nekuna ni . . . kamba Genese 1:28, Na lumela ki yona, “Nekusina mutu wa kulima mubu,” mi Mulimu na sa bupile muuna ni musali. Yeo ki niti, “Nekusina mutu wa kulima mubu.”

825 Mi Mulimu ki ha tisa mutu mwa buino bo bu mwatasi nyana ni kumufa bupilo bwa folofolo, wani kona mubili wa hae, kuswana fela sina lifolofolo kuli akone kulima mubu, kuli akone kuswala. Mubili wa bungeloi haukoni kuswala, ha u boni, kulwaza, kununkelela, kuutwa; ona maikuto e lunani aa. Kacwalo Mulimu na beile mutu ku ba cwalo kuli akone ku—ku swala ni uutwa.

826 Mi—mi hana zamaya cwalo mwa simu ya Edeni, pili ka kuba mwa mubili wa bungeloi (inge Moya o Kenile mo uinezi mwahali mo cwale u nzo zamaya mwatani), no zamaisize bupilo bwa lifolofolo. No zamaisa lika kaufela, kono niteñi no sa koni kulima mubu, mwabona. Kacwalo Mulimu a mu beya mwa nama kuli akone kulima mubu. A mufa maikuto a hae a ketalizoho, kuli alime mubu ni ku babalela li—li litema la veine ni—ni zeñwi cwalo, mi ni cwalo mutu na sa bonahala bulutu. Oh, se ki siswaniso sesinde.

827 Mutalime, kakuli ha na bupilwe pili, a ezwa batu bababeli hamoho. Na bupilwe alil muuna ni musali zepeli cwalo, mutu kona mwa na inezi. Bibeles ibulela kuli ki mwa na inezi. Mulimu na bupile mutu ali muuna ni musali, “A ba bupa ona cwalo.” Mulemuhe cwale, mi mutu ha na kauhanyizwe kwa bungeloi ni ku apala nama, na li—na li ya swalani fani; siemba sa butu bwa hae isali sa bungeloi, kona kuli na sa bonahali hande.

828 Ne kuna ni ya sitole ni ya poho mwa likomu, ne ku zamaya mbongolo, mi ne ku zamaya ni komu, hape ne ku zamani ni libupywa zeñwi kaufela, mwa bubeli. Kono Adama, na . . . ne li . . . Mwabona, nekuna ni sene si tondahala. Ona lukakatela lwani ne lu bonisa kuli nekuna ni ya na tondahala wa hae. Mwa utwa kana? Mi ona minahano luli yeluna ni kushwa fa, ye lu kataza ni ku lu komokisa, mi lu lakaza kuba ni Bupilo bo bu sina lifu, bu bonisa kuli bu lu libelezi. Mwabona?

829 Mi Adama nana ni bulutu. Mi Mulimu, ka kubonisa kuli ne ba sa koni ku kauhana . . . Cwale Ni ka kutela kwa nto yeswana ye, fa muzuzu fela.

830 Mutalime, Na si ka yoñwata mubu ni kubupa Eva, kono Na bupile kuzwa kwa mubu wa makalelo, Adama. A comola likupo kwa makupo a hae ni ku mu ezeza mutusi, mi yani neli Eva. Na bupezwi muuna, mi ki siemba sa muuna. Na li siemba sa hae kwa simuluho, mwa pupo, mwa bungeloi. Na li siemba sa hae ona mwa pupo mo. Na si ke a kauhanywa mwa pupo isili, nana ni kubupywa mwa pupo yeswana.

831 Ki kabakaleo Krete ni Mulimu ne ba na ni kuba Mutu yaswana luli, ne ba sike baba nto isili yeshutana. Haiba nali mutu yomunde kamba mupolofita, Na kaba Muliululi; Nana ni kuba Mubupi yena Kasibili. Kono U sa li mwa bungeloi ni cwale, mwa bona, ni ka mwa Na inezi nako yani.

832 Cwale muuna yomuñwi akile ataha kwanu mi—mi neli yomunde; mi Mulimu a lata sani, Ki hali, “Kinto yende, ha babe mwa lifasi mi ba pile kuyakuile. Ku felile; kakuli—kakuli Kuyakuile, cwalo ni cwalo ni cwalo. Ha i hule fela, mi simela kaufela ya tisa za mufuta wa yona, ni lika zeñwi ze cwalo. Mi mutu ha be ya pila, mi libatana za pila, ni lika zeñwi kaufela, kamita ni mita. Zeo li lukile.” Mwabona?

833 Mi cwale sibi sa kena. Mi Ni bata kubulela cwana. Kwa . . . Batu babañata baezanga mafosisa amatuna luli fa Liñolo le, mi ki la kauhanyo ya 23 ya Lisamu. Ba Li balanga cwana, “Ee, ni ha Ni ka zamaya mwa musindi o *munsu* wa muluti wa lifu.” Cwale, hakuna nto ye cwalo. Biblele ha ibuleli cwalo, kuli, “Muluti o munsu wa musindi . . . musindi o munsu wa muluti wa lifu.”

834 Ili, “Ni ha Ni ka zamaya mwa musindi wa muluti wa lifu.” Cwale, usikaba kale muluti, ulukela kuba ni liseli kuli kube muluti. Mwabona, Davida ka kuba mupolofita mi ali mwatasa tozo, na si ka eza mafosisa, na bulezi fela Niti: “Ee, ni ha Ni ka . . .” isiñi, kuzamaya mwa musindi o *munsu*, kono, “mwa musindi wa *miluti* ya lifu.”

835 Kona kuli muna ni kuba ni kalulo yeñwi ya liseli kuli mube ni muluti. Mi kona mo kuinezi fa. Luna lu mwa likalulo zepeli za nama ni za moya. Mubili wo u tamilwe kwa lifu, mi no pepilwe ki musali; isiñi ka sika kaufela kono ka . . . Isiñi ka Mulimu, mu zwile ku Adama ni Eva. U be yomunsu, yomusweu, kamba

kaufela soli sona, wena u pepilwe fela, mwana ya zwile ku Adama ni Eva. Seo sipanga mubili wa mina “kuba o pepilwe mwa sibi, ku bupiwa mwa bumaswe, lu tile mwa lifasi inge lu bulela buhata.” U nyazizwe ni ku atulwa kuzwa kwa simuluhu ya bupilo bwa hao, kutokwa nihaiba, kusina nihaiba kolo.

⁸³⁶ Cwale, kakuli moya otilwe ku wena utahile ka sipepo, mi ka sibupeho utahile ka takazo ya foso, takazo ya baana ni basali bapepanga bana ba lifasi fela. Mi mwana yo musiye fela mwana yoo, mi musike mwa muluta nto ifi kaufela ye lukile, uka ba ya fosahalile. Musike mwa muluta sika se sinde kamba se simaswe, uka ikungela ze maswe. Kakuli ki sibupeho sa hae kweza cwalo.

⁸³⁷ Mutalime mbututu yo munyinyani, ha ki ku pahama kufitelela *foo*, ukaba fela ya pulumukile; uka fita fela. . . uka— uka hamula mazoho a hae, ni kufubela kwa sifateho, ni kuitiisa ku sa buyela. Luli. Ki sikamañi seo? Ki sibupeho sa hae. U swanile zeo ku bo ndatahe kamba bo mahe, alimuñwi; nebana ni kacimacima kuli mane nebakona kulwana ni saha ye njanjiswa ki mushini, kamba bo ndatahe. Haiba ne ba si cwalo, bo kuku wa hae ba baana kamba ba basali nebali cwalo. Mwabona, ki bana.

⁸³⁸ Kona kuli seo sieza. . . U pepilwe mwa lifasi. U tile ka sibupeho seo, mi butu bwa hao kaufela ki bo bunsu ni sileze fela, mi bunyazizwe, mi u kutilwe uya kw alihele. Yeo ki niti!

⁸³⁹ Kono ha u pepilwe sinca, konakuli Liseli la Mulimu la ku benyeza mwa moyo mwani (haleluya) konakuli ha isali le linsu kamba musindi, kono ki musindi ona ni muluti ku ona. Wakona ku kwahelwa ki nama, ni lika zeñwi kwa sifateho za hao, kono kuna ni Liseli leliñata mwahali ku wena. Mi zazi leliñwi Liseli ni lififi lina ni ku kauhana! Mi cwale liseli ha li benya, lififi la saba. Mi ha lu kaba ni Kreste mwa mubili wani, lififi ni lifu la fela, mi lu punyeleza mwa Liseli le li petehile. Kanya ku Mulimu! Ki luna bao *foo*; hakusana matuku, hakuna lifif le li kopani ku zona.

⁸⁴⁰ Ona fa ka nako ye luna ni matuku ni tabo, mi luna ni buiketo ni mibili ye tiile, mi luna ni *zende* ni *zemaswe*, ni *zetuna* ni *zenyinyani*, ni tabo ni maswabi, zeñwi cwalo. Kihande, ki muluti fela. Luna ni liseli leliñata la kuziba kuli kuna ni Liseli mwani; mi lu sa li mwa mubili, mwa nama. Kono zazi leliñwi Lizazi li ka pazula. Fani ki fona fo lingeloi la lifu li inelanga kwa mahutu a mumbeta, fani ki fona fa bulela dokota kuli kufelile; mi za nama ze li zwa ku za moya, mi liseli li benya mwa Liseli, mi lififi li kutela kwa lififi. Konakuli se si shwa sika apala se si sa shwi. Foo ki fona soo se si na ni kubola se ha sika apala se si sa boli. Kona foo se si shwa ha si ka apala se si sa shwi, mi lu zwile kwa libupiwa za nako kutaha kwa libupiwa za Kuyakuile. Ha mukoni kuya kwani ni lififi lelituna, mu lukela kuba ni liseli mwa lififi. Ki fohe cwale. Wani kona mubili o mu amuhezi.

⁸⁴¹ Ki sikamañi se lu eza? Kihande, muzwale waka ya kenile yomunde, kezela ka ya kenile yomunde, kusikaba kale mutomo

wa lifasi, Mulimu ha na mi bupile ka sibupeho sa Hae, kamba kubupiwa mwa—mwa sibupeho sa Hae, ni kubupa musali mwa sibupeho sa muuna kuba kanya ya muuna, U mi ezize mwa bungeloi. Kuswana fela ni Yena, ha Na bulezi kuli “ha Lu” kwa libupiwa za Na bupile, “ha Lu eze mutu ka Sibupeho sa Luna, ni ka Siswaniso sa Luna, wa bungeloi.” Mulimu na si ka ba kale mwa nama, Na li mwa bungeloi.

⁸⁴² Mi Mushe a Mu bona. Mushe ahuwa ali, “Mulena, ni bata ku Ku bona.”

⁸⁴³ Ki hali, “Zamaya kwabuse u ipate mwa licwe, mwa lihaha.” Mi Mushe akutela mwa lihaha la licwe; mi Mulimu ha fita, mamonyi ni mishika. . . Mi Mulimu ha to fita, A fulalela mukokoto wa Hae sina *cwana*.

 Mi Mushe ali, “Neli mukokoto wa Muuna.” Haleluya!

⁸⁴⁴ Neli mañi Yani? Yena Melekisedeke ya na shetumukile yani, ili Mulena wa Salema, asina ndatahe kamba mahe, asina makalelo a mazazi kamba mafelelezo a bupilo. Yani ki Yena! Mi A taha fafasi. Yani ki yena ya Na ambola ni Abrahami; ya Na ikubukanyelize mubili wa nama sina cwalo, kipeto “Whew!” abululela moya ku ona, akena ku ona, mi ataha fafasi ku to ca nama ya komu, anwa mabisi a komu, ni kuca mafi amañwi ni sinkwa sa mbonyi. Ni Mangeloi amabeli.

⁸⁴⁵ Mi ha ba zwela kwande, ni lika zeo kaufela, “Whew!” ba likelelwa ni kuya kusili.

⁸⁴⁶ Ne ni sa hupuli ka zeo. Kwanu nako ya kale, kulonga malumo mwa tobolo, Ne nina ni ya tobolo ya .22, ki ya .220 Swift. Ni mina mizwale ba litobolo ba baliteni mwahali moo mwa ziba. Lilumo nyana, ki tobolo ya malumo a mashumi amane ka aketalihozo ni amalalu, mi ki yetelele *cwalo*, ye zibahala .22 ya malumo. Ha ilongilwe ina ni mata akuma fa .3006. Cwale Ni. . . Ko ipangiwa ba ilonganga fela malumo a fo handeleti akona ku kunupa ka muzuzu. Ku lukile, kono mwakona kubeya amañata. . . ku ilonga, mi mwakona ku ilonga kufita fa faifi sauzande fa muzuzu. Mi—mi ni ka mukwa usili, hane mu ka kunupa. . . Ne lu kunupa, zazi leliñwi, fa buima bo bulikana libima ze mashumi amabeli, mi lilumo ne li nata mwa liluli, ne li fufa mwateni mane tobolo isika lila kale. Kona mo li kona kumatela ka lubilo cwalo.

⁸⁴⁷ Mi mwakona kunga sa ku kubulisa meeno (mwa ziba, siemba sa sipapalala sa sikubuliso sa meeno) ni kufita mwa musili wa mina ni kutaza muyengo wani ka musili, ikona fela kuba tuewe to tu ketalizoho fela, ni ku tubeya fahalimu a yona, ni kubeya lilumo la mina mwateni. Muyema fani, mi muba ni lilumo la mina mwa lizoho fa muzuzu nyana. Ni ku li kunupela fafasi fa kulube yeinzi fahule nyana libima ze mianda yemibeli kuzwa ku mina, mi kulube yeli fateni mane isika shenya nihaiba hanyinyani. Lilumo li ka kutela mwa buino bwa lona bwapili, kukutela

mwa moya moya fela. Ki lilumo leli ezizwe fa kopa ni licwe la lidi hamoho, mi fa nako yekuswani fela ya muzuzu, la kuta kufitela upalelwa ku lifumana hape. Li kutela mo ne liinezi myaha yelikana ma bilioni kwa mulaho, ku kutela kwa mioya. Mioya yani ipangehile ni kukuta mwa kopa ni mwa lidi, ni zeñwi cwalo, ze swana ni zona. Mioya yani ina ni ku lula.

⁸⁴⁸ Cwale, ki fo he cwale. Cwalo ko na mo luinezi fa, lu zwile kwa sibupiwa sesituna. Kwa simuluho ne luli mwa sibupeho sa Mulimu. Lisila ni lififi kona ze lu paleliswa ku ziba lika cwale. Kono Jesu a bulelela balutiwa ba Hae “nali ni bona mutomo wa lifasi u si ka tomiwa kale.” Mwabona? Nelu teni! Ha mu koni ku li ziba cwale, kono nemuliteni kwa simuluho. “Mi haiba tabernakele ya nama ye isinyeha, luna ni yeñwi ye lukisizwe kale ye libelezi!” Haleluya! Mi kipeto lu kena ku wa bungeloi woo, mo ne lu pila sa pili, kuli lukone kuca ni kuswalanamwa mazoho. Mi mioyo yeli mwatasa aletare ili, “Ki lili, Mulena?”

⁸⁴⁹ Kuna ni mihato ye supile ye ya ku Mulimu, kakuli Mioya ye supile hanze—hanze itaha fafasi cwalo. Ku lukile, hamunwe mu ya mwatasa aletare ya Mulimu, ne ba lila bali, “Mulena, ki lili? Lukute hape, mwatasi hape?”

⁸⁵⁰ Mulimu naize, “Fa nako nyana fela, kufitela mane mutu ya swana ni wena anyanda ka kuswana ni mo nyandezu wena.” Mwabona?

⁸⁵¹ Mi cwale mioya ya kuta hape, mi iba baana ni basali hape, ni kupila kamita foo lififi ni lifu ni butuku ni maswabi ni lififi ha se li felile; hakusana muluti, ki liseli la lizazi fela!

⁸⁵² Amuteezeze. Ki ye nto yatani. Ha kube bunsu mo ku kona kubela kaufela; ha ku konahali ku unsufala konji lizazi li monyehela fa lififi. Lififi ni liseli halikoni kupila hamoho. Kakuli li. . .Ili yona nto ye mata hahulu? Ku cwalo kana. Mi cwale ha li monyeha, lififi la saba. Amen. Ha mu si ka tabela nji? Ha mu tabeli kuli mwa ziba cwalo? Hakuna kukakanya, hakuna muluti ni omukana kai ni kai. Kono Liseli le li fuyozwi leli mwa lipilu za luna cwale, kuna ni se si nze si paka: ki Mwana Mulimu, ni mata a Mulimu.

⁸⁵³ Mi lu zamaya ku lo fa, litalimezi mata a Moya o Kenile ha taha fafasi ni kukena mwa mukopano, ni kubulela kuli, “Ki wena Musala mukete wa *Kuli-ni-kuli*, kuli uezize sa *kuli*, kwa sibaka sa *kuli*. U bile ni sikuto se fa nako yetelele, kono KISONA SA BULELA MULENA, ‘Yema cwale, u folisizwe.’” Mi sihole ni sibofu ba yema ka mahutu. Ni muluti wa muuna, ya cilwe ki kansa, uzuhela kwa bupilo ni kuba ya iketile hape.

⁸⁵⁴ Hakuna ku kakanya, Jesu naize, “Lika ze Ni eza, mu ka li eza ni mina.” Mi ki Hali, “Hakuna se ni eza konji sa Ni bonisa Ndate.”

⁸⁵⁵ Ki sikamañi seo? Leo ki Liseli le li tilo kopana ni lififi le, mwa bona, ku to li liulula. Mwa utwa se Ni talusa?

856 Cwale, zazi leliñwi mu ka kutela kwani, mi cwale mubili wa bungeloi ha utaha mwa nama ya mubili hape sina mo ne kuinezi kwa simuluhu, mi Jesu a taha, mi Mulimu . . .foo Kreste ha kaba alimuñwi. Kreste uka ina fa Lubona, mi sicaba kaufela si kaba batu. Kreste ukaba fa lubona lwa Davida, ali Muuna, yena Mulena Jesu; kusina kushwa. Hakuna ku ba kushwa, haluna ku yo kula, ku ba ni maswabi, mi lu ka pila mwahala lilimo ze likitikiti.

857 Mi cwale myaha ye likiti ha se i felile mwa lifasi, mi kipeto diabulosi wa taha; mi zuho ya bubeli ya tatama, zuho ya baba maswe. Ba kopana mpi yetuna sina lishabati la mwa liwate, mi ba taha ku to ina mwa mafulo a babakenile, mi ha li ezahala, Mulimu unelisa mulilo ni sulufura kuzwa kwa lihalimu niku ba sinya.

858 Mi Joani ali, “Na bona lihalimu lelinca ni lifasi le linca, kakuli lihalimu lapilli ni lifasi lapilli li felile, mi nekusina liwate ni lelikana. Mi Na, Joani, nabona Munzi o Kenile, Jerusalema Yomunca, izwa ku Mulimu kwa Lihalimu, i lukisizwe sina munyaliwa ya kabiselizwe muuna hae.” Ki foe he cwale.

859 Mi ki hali, “Musala hae . . .Ngunyana ni Munyaliwa likaba kwani hamoho.” Ku kaba lifasi le linca, ma milioni ni ma milioni a likanelela maneku amane kaufela. Oh, mawi. Munzi, Bibeletoloka butelele bwa Munzi kuba ka limaili ze likanelela kwa maneku amane kaufela. Ki limaili ze fikitini sauzande mwa butelele, limaili ze fikitini mwa bukima, ni limaili ze fikitini sauzande mwahalimu. Ona cwalo kona toloko yeifa Bibelet ka Munzi wateni. Ki kabakaleo hakisina liwate, nekusina sibaka sa ku ona.

860 Oh, ku kaba bunde bo bucwalo! Mi mwahali mwani, kuna ni liweluwelu ona fa Lubona lwa Mulimu, le li bubela kwa Lubona. Kuna ni kota kwa maneku kaufela a kota . . .ya nuka ya Bupilo. Mi mwa kota ye kupila miselo ya mifuta ye lishumi ka yemibeli, mi ibeya miselo kweli ni kweli.

861 Ki bao babahulu ba ba mashumi amabeli ka babane. Ki yo Munyaliwa. Ki bao baba fote fo sauzande, manjululume ba mwa tempele. Oh muzwale, lu ya kusili! Lika ze li kwapili a luna. Ba bane . . .Babahulu baba mashumi amabeli ni babane. Manjululume baba handeleti ni fote fo sauzande. Munyaliwa inge ainzi ni Kreste. Mawi, mu bulela . . .Ndu ya Ka, Ndu yende! Amen.

862 Ka ku nahana kuli Nina ni lithonolo la kuya kwani, mi ni mina muna ni lithonolo la kuya kwani. Mi kiñi ha uka keta kuzamaya mwa lififi le ni kutokwa kubona Liseli, ni kushwa ni kuya mwa manyando ni kuba nto yesina tuso? Kakuli Liseli ha liba ni mata a lona amatuna, hakuna sibaka sa lififi. Mu batisise ko ku yanga lififi liseli ha litile. Fani kona fo kuna ni, foo lika kaufela ha li kutela ku Mulimu. Nelina ni, lififi

nelina ni makalelo, lififi lina ni mafelelezo. Liseli ne li sina makalelo kamba mane haliina nihaiba mafelelezo. Mulimu na si na makalelo kamba nihaiba kuba ni mafelelezo. Kacwalo, zazi leliñwi, lifasi kaufela le li sinyehile sibi sa lona kaufela ni bunde, mo li bizezwa, ni za bunde bwa yona kaufela ni maikuto, ni za butali bwa lona kaufela li ka felela mwa nto yesina tuso, mi halisana kuba teni. Halisana kuba teni, hakusana kuba muhupulo wa zona! Iize kuli, nihaiba, “Mane halina kutaha mwa kupuzo nihanyinyani.”

⁸⁶³ Kono baba fuyozwi ba Mulena ba kaba kamita ni Yena. Lu kaba ni mubili o swana ni Wa Hae o kanya; ni kupila ni Yena, ni kuca ni Yena, ni kuina ni Yena, ni kupila ni Yena kamita ni mita ni kwa libaka za nako; mi masika a Kuyakuile aka pikuluha kusina mafelelezo.

⁸⁶⁴ Mi muna ni keto busihu boo. Haiba ha u si ka itukisa ku kufita kwa sibaka sani, hakuna taba kamba uya hakai kwa keleke, kamba u membala yomunde cwani, u latehile kufitela Kreste akufa Bupilo bobunca mwa lififi lo sweli kuzamaya ku lona. Wakona kuba wa bulapeli. Bulapeli, muteeleze, balikani, bulapeli ki bwa nama. Mwabona? Bana ba Kaine kaufela kamita ba bile ni bulapeli. Majuda bani nebana ni bulapeli ha natile Jesu, kono ba hana puluso.

⁸⁶⁵ Wakona kuba wa bulapeli hahulu busihu boo. Wakona kuba wa Presbyterian, Methodist, Pentekota, Nazarene, Pilgrim Holiness. Wakona kuba fela wa bulapeli; u ya kwa keleke ya henu u yo paka, wa kona kuopela ni kuhuwa ni kulumbeka Mulena, wakoan kutisanga sa bulishumi sa hao kwa keleke, wakona ku ba ni likezo zende ku yo yahile mabapa ni yena, zeo halina sa kueza ni ko mulibile kwa Kuyakuile. Kaine na ezize zeo kaufela ka buino bwa zona. Kiniti.

⁸⁶⁶ Bibebe ibulezi kuli “buloto ni mufuka litaha hamoho.” Buloto bwa kale bu ka ina, inge bu bilaela pula, mi ni—mi ni mikona ni yona ka kuswana. Pula ha itaha, mikona ya tabela sina buloto mo bu tabellela. “Kono, ki ka miselo ya bona, ha mu ka ba ziba.”

Cwale ha lu lapeleni ha munze mu ikupula ka miselo ya mina:

⁸⁶⁷ Cwale, Mulimu Ndate, kubile lipuzo zetata kulo mo busihu boo. Hakulata ha ni si ka eza ku luka, kono ze ni ziba kuya ka kutwisiso yaka; U ziba pilu yaka. Na lapela, Mulimu, kuli U li amuhele. Mi cwale, mwendi, ku zeñwi za lipuzo zee, haiba ha Ni si ka li lukisa, kona kuli U bulele kwa lipilu za sicaba, mi U ba eze fela mo ba lukela kubela. Ni iikutwa kuli ki Wena ya ni bulelezi. Kono ha Ne ni ka fosa, kona kuli U ni swalele.

⁸⁶⁸ Mi Na lapela, Mulimu, mañi ni mañi wa bona uka ikungela zona mwa pilu ya hae, mi ba nahane ka zona ni kuhupula kuli, “Eni, kuna ni keleke, zeo kona lika. Kona ze ibulelela Bibebe.”

869 Mwendu likalibe, Mulena, U ziba kuli ha Ni si ka talusa sika sa kufumbela mutu ka ku ba bulelela cwalo. Kono, Mulimu, Na—Na lata likezeli zaka, mi U ziba cwalo, Ndate. U ziba mo Ni nahanela ka bona. Kono ki kuyema fela ni ku ba bulelela nto ye fosahalile, Ne ni ka—ni ka ba mupumi ku bona. Ha ni itakalezi kuba mupumi kwa likezeli za ka, Ni bata ku ba bulelela Niti. Mi, Ndate, Ni Li nga fela kuzwa mwa Linzwi la Hao.

870 Mi cwale ha Ni nyazi mizwale ba ka, kono, Mulena, Ni bulela kuli ba fosize ha ba nzeba lumeleza lika zee. Mi haiba kalibe uziba nto ye shutana mi a yo ieza, kona kuli kuitingile ku yena, mulisana haana mulatu.

871 Abba Ndate, lika zeo ki Linzwi la Hao, mi ba cwalo ku Wena. Cwale U bulele kwa lipilu za sicaba. Ni ba beya ku Wena. Ni ka bona So ezize, Ndate; Wa ziba. Bulela kwa pilu ifi ni ifi. Lu kupa ka Libizo la Kreste.

 Mi ni litho za luna ze inami:

872 Hani zibi haiba kuna ni yaka nanula lizoho la hae, ni kubulela kuli, “Muzwale Branham, ni hupule fela kuli Ni kone kuba mukomi ya tezi, mi ka lizazi la mafelelezo ni yo tina sapalo sa linyalo mi ni be ni Kreste.” Kikuli uka nanula lizoho la hao, uli, “U ni lapelele”?

873 Mañi ni mañi kaufela a muinamise litho za mina cwale, mi muiname feela. Mulimu ami fuyole, zeo ki zende. Kafoo, Mulimu ami fuyole, likezeli zaka; ni mizwale yaka, kaufela, mina baba nanuzi mazoho a mina. Zeo ki zende.

874 Cwale, Ndate, Wa bona mazoho a bona. (Na ziba, fokuñwi u nahana kuli, “Kihande, tapelo nyana fela cwalo?”) Mulimu, Ni nahana ka me yani, yana bulezi cwalo maabani, “Neli tapelo nyana fela mwa ndu ya hae mwani fa na shwela mushimani yania, yana filwe lisunda zetaalu za kupila, sitombo tuna sani kwa booko, mi cwale ni kucinca lika.”

875 Ni hupula ka za Hezekiah, ainamela kwa limota, mi alila, “Mulena, Na Ku kupa, u ni utwele butuku. Ni talime, kakuli Ni zamaile fapila Hao ka pilu ye petehile.” Ya cinca kuzwa kwa lifu kutaha kwa bupilo.

876 Muhuwo ulimuñwi o no zwile ku Mwana Mulimu, “Lazaro, zwa moo!” mi mutu ya na shwile a zuha.

877 O Mulimu, U ize, “Bulela, kupa, mi li ka fiwa. Ha u bulela sika kaufela, u lumele kuli so bulela si ka ezahala, u kaba ni so bulela.”

878 Cwale, Ndate, Ni lapela kuli kaufela ya nanuzi lizoho la hae u ka amuhela za nanulezi lizoho la hae. Mi ha ba fuyolwe. Mi Mulimu, Ni lapela kuli U tuse likezeli za luna, kuli li be...ha ba itekule ka mikwa ya bona, kuli Satani ka kuitusisa Mazimumwangala ni mutende wo bizwa kuli *True Story* magazines ni zeñwi cwalo, ze swelwi ka lisheha,

mane ni litukiso ze si ka sefiwa fa moya, kuya ka masila ni matapa aezahala fa mazimumwangala ni lika zeñwi, zekona kuba . . . Kuba sibelekiso sa kuwinela mioya ye likana ma milioni amañata a mioya ku Wena, kono mo li si ka sefelwa, ni kubeya lika za kale ze kaufela za masila ze ba . . . Oh, ha ki makeke ni ao! Ni ka kuziba kuli moya wa diabulosi ukeni mwateni ni mwahala likezeli za luna, mi balika kueza mitinelo ni lindelesi ze ipitezi cwalo.

⁸⁷⁹ Mi lu fumana cwaa kuli mwa . . . mwahala mizwale ba luna, hape, Mulena, mo ba talimela litaba za kuzuba ni kunwa, ni kuzwelapili ona cwalo, mi bazwelepili kuba Bakreste inge ba li ba “lumela.” Ha ba zibe kuli “diabulosi wa lumela, ni yena.” Kono ha si ka piliswa, “wa lumela mi wa ngangama.”

⁸⁸⁰ Mi cwale, Ndate, lu lapela kuli Ube ni makeke ku luna kaufela, mi u lu swalele libi za luna, mi mwendi babañwi ha ba si ka nanula mazoho a bona, O Mulimu, ube ni makeke. Hakube kuli nako yetatama ye bakaba ni yona, ba yo nanula mazoho a bona.

⁸⁸¹ Lu itukisa ku ca mulalelo, Mulena. U lu swalele milatu ya luna ni zeñwi za kale zaluna mwa bupilo. Mi lu amuhele limbuyoti kwa za Hao, kakuli lu kupa ka Libizo la Kreste. Amen.

⁸⁸² Mulena ami fuyole. Mu ni swalele fa ku mi inisa nako ye cwana. Na komoka fela, lusika ba kale ni mulalelo, haiba kuna ni ya taha ku to lapelelwa, ya tabela ku lapelelwa, kihande, lu ka tabela kueza cwalo ka nako yee, haiba kuna ni mutu ya bata kulapelelwa.

⁸⁸³ Ku lukile, muzwale, aku mu tise kwanu, ki nto yende yeo. Mi fa nako nyana fela, mi kipeto lu ka—lu ka zwa. Mi cwale ha se lu zwile, mi baba tabela kuina kufitela mulalelo, bakona kuina. Kono cwale lu ka lapelela bakuli. Bibeles ibulela sikamañi?

⁸⁸⁴ Haiba muzwale yomuñwi upalelwa kunanula lizoho la hae . . . Ki hande, aine fela ona cwalo, lu ka taha ku yena. Zeo ki zende, mu mutuhele aine ona cwalo. Mi lu ka taha lu mu lapelele. Foo ku lukile. Ku lukile, sha, mutuhele fela—fela aine ona cwalo foo. Kutata kuli ayeme kulo foo, kiñi, lu ka tabela kutaha ku yena.

⁸⁸⁵ Cwale Ni bata kubulela taba nyana ye fa, mulikana ka ya latwa. Mwabona, Na—Na ziba kuli Mulena u bonisize nto ye ku kuta kutela ka linako zeñata ñata. Mwabona? Na hani mukutazi yomutuna, Hanina tuto ya sikolo ni zeñwi cwalo. Na lata Mulena Jesu, Mulimu uziba kuli Na Mu lata. Kono iliñwi yene Ni belizwe ku eza, neli ya kulapelela bakuli. Kana mwa lumela cwalo? Mane kale Ni si ka ziba ka za mpo, Ne ni yanga kwa sipatela; mi Na hupula ma nasi bani ha ba bulela kuli, “Cwale u ka fola.” Mwabona? Mi nto yenwi fela, yeo Mulimu abile ya sishemo hahulu ki ya ku utwelanga litapelo zaka ha ni lapelela sicaba.

886 Na nahana, busihu boo, ha ne li ka bizwa, ki kupanca fela kwa lifasi loote koliya kolikuwa. Mi ali, mañi ni mañi yo Muzwale Branham u lapelezi, atahe kwanu, Ni bata kuli mufe kalabo kwa puso ya United States, ni liñolo. Mi yeo ikaba papazo kwa lifasi loote. Na sepa, mwendi kuna ni batu baba kuma fa foo kamba faifi milioni ya batu baba ka alaba pizo yeo hane ika zibiwa. Mwabona?

887 Mi sicaba sani, kamba babañwi ba bona ne se ba shwile kale, baba llobalizwe ki dokota, mi—mi ni malukula. Babañwi ba bona ba se ba bulailwe mwa likozi; babañwi ba ku bona ba shwa lifu le li zibahala. Babañwi ba bona ki libofu, ba luñañali, lihole, baba obami, baba nyandile, mwa booko . . . mwa lipatela, ne ba sa zibi mane kuli lu mwa sipatela ku yo ba lapelela. Ku ba tisa mwahali, neluna ni ku ba tisa. Ne ba itiisa mwa nzila za bona ni ku ipazaula mwa liemba emba, ba sa zibi kuli bainzi kai. Mwa mizuzu iketalizoho, ba iketa, hande, baba sicaba ba lilato, ni kuina baba iketile hande mwa mazazi a bona. Mwabona?

888 Ki . . . Ki sikamañi seo? Ha ki Muzwale Branham. Ki Jesu Kreste, U ni lumezi ku to lapelela bakuli. Cwale ki se mo si inezi. Ha li si ka ba ka butuna hahulu mwa Jeffersonville, kakuli, ki le libaka. Cwale, Ni bata kuli mu zibe Ni na ni babañwi ba balikani baka ba fakaufi hahulu mi babande mwa muleneñi ona woo. Nihaike inge muleneñi kasibili, buino bwa muleneñi, Ha ni butabeli. Ha ni tabeli buino boo, mi nali kuba ni bu tabele; hane Ni li mushimani yomunyinyani, ne ni inzi, inge ni bala libuka zaka za makande, se Nili, “Zazi leliñwi Ni ka zwa mwateni.” Mwabona?

889 Ha ni i lati Jeffersonville, ki lisa, kona ona kwanu. Ki lisa fela, mi—mi ki nto yemaswe. Ku pahama fahalimwa Spickert Knobs kamba kai kaufela, ni kutalimela kwa New Albany ni Jeffersonville, haiba mubata kubona. Mutalime kwanu, ma dokota mane se ba bulela cwale, kuli, “Sicaba sa musindi wo se si kula butuku bwa katabi bakeñisa buino bwa sibaka.”

890 Kalibe yomuñwi kwanu, musala Bo Morgan, na folisizwe kwa kansa, aisa nja ya hae kwa sipatela sa kwanu, na hupula kuli neina ni butuku bwa mange kukumauha bulizi. Mwa ziba mo ne buinezi? Buino bwa ma Colgate ni lika ze ne suluhelanga fa bucwani mo ne lifita. Ki sibaka se si maswe luli kupila ku sona.

891 Mutu yomuñwi nali mwa Busole, ataha kwanu mi aba . . . A kula butuku bwa kufipelwa. Aya kwa Florida mi meto a hae afetuha amansu luli, mi ki haya ku dokota, mi ki hali, “Dokota . . .”

892 Dokota ali, “Cwale, ubile mwa ndwa, nji cwani?”

893 Ki hali, “Batili, sha, Ha ni si kaba mwa ndwa.”

894 Haiba mubata kuziba kuli ki mañi yoo, libizo la hae ki Herby. Cwale, haiba Ni kona fela kunahana . . . Ki—ki mwa

Union National Bank, mwa New Albany, ki muholisi wa mali. Muye fela teñi mu yo bona ya bizwa “Herby,” mu mu buze.

895 Mi ki hali . . . Na ile, ki hali, “Dokota,” ki hali, “Nina ni musima mwa toho.”

896 Mi a mutatuba, ali, “Yeo ki niti.” Ki hali, “Ne ni hupula kuli no li mwa ndwa.” Ali, “Mushimani, u pila kai?”

897 Ki hali, “Ha u koni kuziba sibaka,” ali, “Ni pila mwa tolopo yeli mwabuse bwa Louisville, Kentucky, ye bizwa New Albany, Indiana.”

898 Ali, “U talusa ku ni bulelela kuli ubile ni butata bwa musima mwa toho bakeñisa mezi a lizwai a kwanu kwa Miami, ka kutaha kwa hao?” Ali, “Haiba no ka pila mwa Jeffersonville, Indiana, kamba New Albany, Indiana, wakona kupila kai kaufela mwa United States ko ba ka kuluma ba busole.” Ku felile. Mwabona?

899 Mwa sibaka sa matuku hahulu se siliteni kaufela mwa lifasi, se Ni ziba, konji haiba ki lisa la butuku bwa malaria. Mwabona? Mi Ni—Ni—Ni—Ni na ni balikani mo.

900 Amutalime kwanu, Ni kona ku ba biza fela sina cwalo. Amutalime ku Dr. Sam Adair, mulikana ka. Ku lukile, kuna ni Mike Egan, yainzi fani. Oh, mawi, ki ba bakani bo Ni kona ku punda ka mabizo! Ki mianda anda ya balikani babande luli, sango saka sa kale, bo Ni latile. . . Hakuna taba ka balikani babanca bo Ni fumana, hakuna se si ka nga sibaka sa mulikani wa kale. Mwa ziba cwalo.

901 Kuna ni boma ba kale babainzi kwani, ha ki mazazi amañata mwa lifasi, bainzi mwa lilimo ze mashumi a silezi cwale. Ki bani bomahe musala ka, sebente, ukena mwa sebente wani cwale; bateni kokuñwi mwahali mo, Na sepa, busihu bo. Mi kwani, a mu siya. Bo ndate ba pumbekezwi kwanu; musala ka u pumbekezwi kwanu kwa Walnut Ridge; mbututu waka u lobezi ona kwani. Mwabona se Ni talusa?

902 Hani—Hani—Hani tabeli. . . Hani—Hani—Hani—Hani lati kuina moo, mi Ni lumela kuli cwanoñu, ona fa, Ni ka lukela kuya. Mwabona, kakuli lisweli kutaha ku na, Ni bulelela taba ye nili kwa katala ni Bibebe yaka, ka tundamo.

903 Ha Ni bulelela musala ka, ha ba lufa masheleñi a kuyahisa ndu ya mukutazi yene Ni to fa kwa keleke ye. . . Keleke ye kona yena ni ndu yani; hamuya kwani, mubatisise haiba ha ku cwalo. Mwabona, Ne ni si ka ikungela yona.

904 Cwale, ha ne Ni yaha kwani, Meda ali, “Ni bata kuina kwanu bakeñisa boma.”

905 Se nili, “Mulatiwa, kuya ka mo lu ezeza fela, lu ka swaba ka zona. Mwabona, halina kubeleka zeo. Mulimu ubulezi kuli, ‘Mukauhane,’ Nina ni kueza cwalo.”

906 Mi ali, “Kihande, boma!”

907 Se nili, “Bo ma, nibona. ‘Kono yasike a itoboha za hae, ni ku Ni latelela, ha swaneli kubizwa wa Ka.’ Mi yeo ki niti.”

908 Zazi leliñwi, kapili, Ni ikutwa kuli Ni ka shenya, fo ki kuli, kuya kwahule. Kono ki ye nzila, mikopano haina ku beleka kwanu. Haina ku beleka sina mo iezeza kwa libaka zeñwi kaufela, mi mutu kaufela yakile aba mwa mukopano uziba kuli ki niti, kakuli liteni mwa tolopo ya hesu. Kona ona cwalo.

909 Jesu nabulezi nto yeswana ha Na tile.

910 Neba ize, “Mucaha yo ki mañi? Kana yo ha ki yena mwana wa mubeti kwani? Ki sikolo mañi kwa na kena? Cwale ha lubone ueze . . . U bulezi kuli no eza limakazo kwanu, halubone hauneza nto yeswana kwanu. So ezize kwa Kapernauma, halubone ha u li eza ni kwanu.”

911 Jesu naize . . . “A komoka ku sa lumela kwa bona.” A fetuha mi ali, “Kaniti, niti, Ni li ku mina, mupolofita ha kutekiwi ki bahabo ni ba naha ya hae.” Kana ku cwalo?

912 Mi lwa ziba . . . mutalime fa . . . Munge Finney, munge Sankey, Moody; munge John Wesley, ne ba si ka kona kuhata ka musindo luli, mwabona, kufitela a zwa mwa naha ya hae. Mutalimele ku—mutalimele ku—ku—ku Moody. Fani Moody, mulambi wa polishi ya makatulo wa mwa Boston, na si kaya ni hanyinyani, ataha kwa Chicago asika zibahala kale. Mwabona? Nana ni kuikungela ku ba hae. Mu kaba ni kueza cwalo kamita.

913 Kono cwale, kwanu, Mulimu uka alaba litapelo haiba mu ka libala kuli ki William Branham (Mwabona?), haiba mu libala kuli ki William Branham yana ni za kueza ka lika, ki mutu fela ya yema fela ni ku mi lapelelela. Ki Jesu Kreste ya ezize kale se mu kupile kuli mueze, haiba ukona fela kulumela. Mwabona? Hakuna sika sa kueza . . . Hanina sa kueza ka zona, ki kupaka fela zateni. Kono kubonahala kuli kasamulaho wa kuhulela kwanu ni mina, mi mwa ziba mifokolo kaufela ye Ni nani, ni bumaswe kaufela bo Ni nani . . . Mi mwa ziba sa ezize Mulimu, ona mwa muleneñi woo.

914 Muleneñi wo, ka lizazi la katulo, uka yo ikalabela ka tifo yetuna zazi leliñwi, kakuli kubile mianda anda ya lifoliso zetuna ona mwa sibaka se kwanu (Yeo ki niti.), ona kwanu. Lisupo ni ze komokisa, ni kubonahala kwa Lingeloi ona kwanu, mi mitende ya li patlaza ni lika zeñwi kaufela, kono niteni sicaba ha si . . . Kiñi hakuli cwalo?

915 Cwale zazi leliñwi, Ni ka zwa kwanu. Ha ni zibi: “Mafelelezo aka akaba cwani? Kana kufelile nji? Kana ki ka zeo fela? Nina ni myaha ye mashumi amane ka ye ketalizoho ni yemilalu ya kupepwa. Kana ke kufela nji?” Ha ni zibi ka zona. Haiba ki . . .

916 Mutalime, ki kabakalañi lifasi ha ne li si ka lemuha siswaniso sani kwani? Kiñi hane ba si ka lemuha taba yani kapili? Ki kabakalañi ha ba sa lemuhangi kapili lika zeñwi ze? Ki

kabakalañi ha ba sa lemuhi sipolofita sesiñwi se kaufela ni litaba zeñwi? Mwa ziba, ha ba koni kuezwa zeo cwale, kono zazi leliñwi Ni ka siya lifasi, mi ha Ni ka ya, kona kuli ba ka Li lemuha. Babañwi ba mina batu ba sanana mu ka lemuha zeo ha se Ni ile. Mwabona? Kono Mulimu nasike ku li lumeleza kuli liezwe cwale. Mwabona seo . . . mwa utwisisa se Ni talusa. [Hakuna manzwi fa tepu—Mu.]

917 . . . Ki kahala fela ka musizana nyana. Mañi ni mañi wakona kuba ni kona. Mi Na lumela Muzwale Sothmann na bulezi kuli u siile Bibeles kwanu nako yefelile fana inezi kwanu, Na lumela. Kuna ni ya fumani Bibeles, kana kuna—kuna ni Bibeles ye latehile? Haiba muibona, ki ya Muzwale Fred Sothmann yazwa kwa Canada. Cwale ha lu lapeleni.

918 Mulena, ube ni makeke, sina pina hainze iliziwa ha munati mi Muzwale Neville uka toza ka oli, Na ni ka beya mazoho fa bakuli ka Libizo la Mulena Jesu. Lumeleza cwalo, Mulena, kwa foliso ya bona. Amen.

919 Mañi ni mañi amu lapele, cwale, mañi ni mañi. Ku lukile.

Mulena, yo munyinyani, sina kuku wa hae ha mu yemezi faa. Wa haniwa ki mabisi, mabisi kaufela. Kono Wena ni Mata kaufela mi mwana yo hakoni kuba ni tumelo ka yena muñi. Mi he, Mulena, Nina ni tumelo ka zeo, ni bashemi hamoho ni bo kuku wa hae mi luli, ka Libizo la Jesu, kuli mushimani yani akone kunwa mabisi ni kupilela kwa kanya ya Mulimu. Amen. Ku kaba ona cwalo.

Oh, Mulimu, u sweli ku lapelela ndatahe. Ni lapela ni yena kuli U mu folise ni kufa ku yena sa tokwa, ka Libizo la Krete. Amen.

920 Cwale, ku bunolo nji cwani? Sicaba sa lapela, kono cwalo kona sicaba mo . . . Ba bata nto yetuna inge ba li tatafaza. Mulimu u li eza fela ka bunolo. Ha mu li tatafalisa mu ka li mbwinja. Mwabona? Mueze fela . . . Halibe fela ka bunolo sina Mulimu mwa na bulelezi kuli: “Lisupo ze li ka latelela baba lumela; ha ba ka beya mazoho ku baba kula, bao ba ka foliswa,” sina Mulimu mwana bulelezi.

921 Lu beya mazoho a luna ku musali yoo, Mulena, yena kezela luna yoo ya yemi faa, mi afoliswe halunze lu kupa, ka Libizo la Jesu Krete. Amen.

922 Ndate, hanze lu beya mazoho aluna ku kezela luna, ka Libizo la Jesu Krete, mwa kupuzo ya Bibeles ni tuto ya Mulena, ha foliswe.

Ndate, ka Libizo la Krete, lu kupa foliso ya kezela luna, mi Ni lapela kuli U ka mu folisa halunze lu utwela Linzwi la Hao, hakuna kukakanya mwa munahano waka sa kona kuba sona . . . ? . . . Amen.

923 Ndate, lu beya mazoho a luna ku kezela luna, ni kukupa kuli ka Libizo la Mulena Jesu, kuli u mu folise ni ku konisa kuba ya folile. Amen.

Ka Libizo la Mulena Jesu, lu beya mazoho aluna ku muzwale ni ku kupa foliso ku wena Wena kwa kanya ya Mulimu.

Ndate, ka Libizo la Mulena Jesu, lutoza kezeli, ni ku mu beya mazoho kwa foliso ka Libizo la Jesu.

Mulimu Ndate, lu beya mazoho a luna ku muzwale, lu kupa kuli, ka Libizo la Jesu Kreste, hanze lu mu toza kuli U mu folise.

Ndate, ki yo, musala hae ya latwa . . . ? . . . lwa mutoza ni ku mu beya mazoho, lwa kupa cwalo, ka Libizo la Jesu Kreste.

924 Mulena Mulimu, lu toza ni Edith yomunyinyani, lu mu beya mazoho, ni ku kupa ka Libizo la Mulena Jesu Kreste kuli U alabe kupo ye.

Ndate, ku mahe, hape lwa mutoza ni ku mu beya mazoho ni ku mu kupela foliso, ka Libizo la Mulena Jesu Kreste, ha be hande afoliswe.

925 Ndate, lu toza mpo yende yenyinyani ya lubasi loo, kutula nyana kwa pilu, ka Libizo la Mulena Jesu, zazi leliñwi ne li filwe ku Yena, mi Ni lapela kuli U mu folise . . . ? . . .

926 Oh Mulimu, Wena u ziba kupo ya kezela luna mi lwa itumela ku Wena ka tumelo ya hae yetuna. Cwale, mi lika za kupile zani, kuli . . . ? . . . ba na bapalanga ni bona ha nali mwanana, mi Mulimu, mi sila ha tamulule musali yo mi akutele kwa hae inza folile, Mulena. Lu lapelela muuna yani, hape, zona za kupile, Wena u sepisize kuli, “Ha mu kupa sika kaufela ka Libizo la Ka, Ni ka si eza.” Ni lapela kuli U alabe kupo ye, ka Libizo la Jesu. Amen. Mulimu ami fuyole.

927 Mulena, sina musinga wo ha ushwa mwa pata ya muzwale, lu kupa kuli bupilo butahe, halunze lu beya mazoho ku yena ni ku kupa, ka Libizo la Jesu, kuli musinga wani u foliswe.

Mulimu Ndate, lu beya mazoho fahalimwa kezela luna kasamulaho wa ku mu toza ka oli, ka Libizo la Mulena Jesu Kreste, lu kupa foliso ya hae. Amen.

928 Ndate wa Lihalimu, sina kezela luna ha yemezi litulo zetuna zeñata Zo mu tiselize, u yemela alimuñwi wa batanga ba Hao, yali mukutazi, u ikalezwi maswe; pilu za luna za makeke liya ku yena lwa ziba zasweli kufita ku zona. Na lapela, Mulimu, kuli U ka toza kezela luna ka kuyema fa kuyemela muuna hae ni ku mu toza ka foliso ya hae. Na lapela, ka Libizo la Kreste. Amen . . . ? . . . Mulena wa ziba . . . ? . . .

929 Kihande. Ni tabile hahulu. Yani ki tozo ya niti ya Mulena. Mulena Mulimu, kasamulaho musali yo atamuluha kwa dimona ya lwanisize mwahala lilimo, zazi leliñwi ha No li ni yena ha taha kwa ndu kwani mo Moya wa tuluka wali, “KISONA SA

BULELA MULENA,” ha sa lilile, aina fa aletare, na sa ezize kaufela za ziba mwa kuezeza, kono sa lwala kuli KISONA SA BULELA MULENA. Cwale, u tahela mbututu wa kezela hae yasweli kutaza; ya sa koni ku zamaya, seli mwa mwaha ulimumu wa kupepwa kale. Na lapela, Mulena, kuli U lumeleze limbuyoti za Mulimu ku yena ka Libizo la Jesu Kreste. Ki tabo hahulu ka seo, kezeli, wa bonahala kushutana, hape. Mi soli kwahule ni kushwa cwale, nji cwani?

Mulimu Ndate, lu lapela kuli U fuyole kezela luna halunze lu mu toza ni ku mu beya mazoho ni kukupa kuli nto Yo bulezi ha uize kuli: “Lisupo ze li ka latelela baba lumela. Ba ka beya mazoho ku baba kula, mi bao ba ka foliswa.” Lu ipulela kuli lu balumeli, Mulena, kona kuli lu lapela kuli U eze nto yeñwi, ka Libizo la Jesu. . . ? . . .


⁹³⁰ Mulimu Ndate, ka kuziba pilu ya musali yo, sina ha iselile yona, lu lapela kuli U mu utwele butuku mi ualabe kupo ya kupile. O Mulimu Ndate, kwa lubasi lwa hae, kwa bana ba hae, mushimani wa hae, sihulu, Mulimu, Na lapela cwale, kuli U ka alaba litaba ze. . . ? . . . ka pilu yaka kaufela, Na li kupa, ka Libizo la Jesu. Amen.

Mulimu Ndate, halunze lu toza musali yo ka oli, ni ku mu lapelela ka Libizo la Mulena Jesu, kuli U mu folise ni ku mu eza kuba ya folile hande kwa kanya ya Mulimu.

⁹³¹ Libizo la hao halikoni kuba West, nji cwani?

Ndate, lu lapelela kalibe yomunyinyani. U kupa bo ndatahe. Cwale, Ni lapela kuli U alabe ndatahe, ubize mwa pilu ya hae, Mulena. U bata kuli apiliswe. Ha tabeli kuli muuna yani abe mwa lifasi sina mwa inezi, yena, mwana hae yoo, ya pepilwe ki yena. Na lapela, Ndate, kuli U be ni sishemo ku yena, ka Libizo la Kreste.

⁹³² U fuyolwe, mwanake wa musizana, mi Mulimu akufe zona, zona lika zo kupile.

Mulimu Yomunde, lu mu lapelela kwateni sishemo, mi lu kupa kuli U be ni makeke, halunze lu mu toza oli. . . ? . . . 

LIPUZO NI LIKALABO MAHEBERU KALULO YA III LOZ57-1006

(Questions and Answers on Hebrews Part III)

MUKOLOKO WA MUEZEZO, MULAO NI TUTO YA KELEKE

Liñusa le ka Muzwale William Marrion Branham ne li kotalizwe lwa pili mwa Sikuwa la Sunda manzibwana, Yenda 6, 1957, ili fa Branham Tabernacle, mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org